


(M)

卷二 共五本

續十八史略讀本

宮脇通赫編次

東 京 國 書 館				
五	七	一		
冊	五	三	一	
	號	架	函	類



續十八史略讀本卷之二

明治九年圖書局交付

伊豫 宮脇通赫 編次

明上

大祖高皇帝姓朱名元璋字國瑞濠州人帝先故沛人徙江東句容為朱家巷宋季大父再徙淮家泗州父世珍又徙鍾離太平鄉母陳氏生四子帝其季也帝生於元天曆戊辰之九月丁丑其夕赤光燭天里中人競呼朱家火及至無有三日洗兒父出汲有紅羅浮至遂取衣之故所居名紅羅障少時常苦病父欲度為僧歲甲申泗大疫父母及兄俱死貧不能殮葬之仲與帝昇至山麓綆絕仲還

赤光之祥

紅羅之祥

土墳起成
高壘

皇覺寺為
僧

伽藍卜吉

太祖附郭
子興

取綆留帝守之。忽雷雨大作，帝避村寺中。比曉，往視土墳起成高壘地，故屬鄉人劉繼祖。繼祖異之，歸焉。尋仲又死。

帝時年十七，遂入皇覺寺為僧。濠州今江南鳳陽府泗屬

淮縣元天曆元文宗年號大父祖父也障險要之處別築

城置兵守之謂之障音豫對舉也麓音鹿山足也綆音梗索上墳墳上聲折裂也

逾月僧乏食，帝乃遊江淮，崎嶇三載，仍還皇覺寺。時汝潁兵起，騷動濠州。定遠人郭子興據濠州，元將

徹里不花憚不敢進，日掠良民邀賞。帝詣伽藍卜吉，問避

亂不吉，即守故。又不吉，因祝曰：「豈欲予倡義邪？」大吉，意遂

決，乃入濠城。見郭子興，汝潁兵起元至正十一辛卯歲五月

壽輝等兵起郭子興據濠州元至正十一壬辰歲正月郭子興起兵破濠州是時明太祖年二十五卜玟廣勺杯玟

古者以玉為之類篇巫以占吉凶者杯玟用兩蚌殼或用竹根玟或作筮石林燕語高辛廟有竹杯筮以一俯一仰為聖筮祝以言告神也子興奇其狀貌，與語大悅之，取為親兵。凡有

攻伐，命之往，輒勝。子興故撫宿州馬公女，為己女，遂妻焉。

即高后也。壬辰年，元至正十二年八月，元丞相脫脫破徐州芝麻

李道去，彭早住趙均用帥餘黨奔濠。子興屈己下彭趙，遂

為所制。彭趙據濠，稱王。帝每有大志矣。癸巳年，元至正十三年春

帝乃歸鄉里募兵，得七百人。濠人徐達、湯和等皆往歸焉。

甲午年，元至正十四年七月，帝徇定遠，下滁陽。時彭趙御下無道，

帝乃以七百人屬他將，而獨與徐達、湯和等二十四人南

略定遠，得壯士三千餘人。定遠繆大亨以義兵二萬屯橫

太祖歸鄉
里募兵

太祖與二
十四人略
定遠

馮國用請先拔金陵定鼎

澗山帝命花雲夜襲破之。大亨舉衆降。軍聲大振。定遠馮國用率衆歸附。帝見奇之。因問大計。國用對曰。金陵龍蟠

虎踞。帝王之都。願先拔之。定鼎然後命將。四出天下不難

定也。帝悅。任以帷幄。御行定曰。御行取曰。畧用力不多也。定鼎謂定都也。左傳成王定鼎于郊。鄆帷幄前漢張良傳運籌策帷幄中。定遠李善長來謁。留幕下。掌書記。畫

饋餉。甚見親信。是月帝進攻滁陽。克之。因駐師焉。朱文正

李文忠來歸。朱文正太祖孟兄南昌王子。先同其母避亂。與太祖相失。李文忠太祖姊曹國長公主子。

公主卒。其父攜文忠走亂軍中。幾不能存。至是聞太祖駐兵滁陽。皆來歸。太祖大悅。文忠年十二。與沐英皆賜朱姓。英定遠人。父母俱亡。太祖見而憐之。令高后育之。為子。河世隆來降。未逾月。彭趙挾

子興征泗州。而彭中流失。死。趙益自專。銜子興欲殺之。子

智伏滁陽二子

興乃歸滁。帝因立子興為滁陽主。奉其號令。子興二子懼帝威名。置酒毒之。帝已覺之。猶從二子往。中途佯仰視。勒馬轉曰。空中神人說爾二人以酒毒我。二子駭汗浹背。自

此不敢萌害意。虹縣胡大海來歸。帝一見語合。用為前鋒。

乙未年。元至正十五年。正月。滁師乏糧。諸將謀所向。帝曰。困守孤

城。誠非計。今惟和陽可圖。張大祐湯和等奮戰克之。帝遂

據和陽。銜音鹹。恨也。勸抑也。虹縣屬鳳陽府。和陽今江南和州。子興屬帝入撫定城。

中三月。郭子興卒。帝併統其軍。虹縣人鄧愈來歸。懷遠人

常遇春剛毅多智勇。膂力絕人。年二十三。為群雄劉聚所

得。遇春察其無遠圖。棄之來歸。未至假寐田間。夢神人呼

撫定和陽

常遇春來歸

之曰起起主君來適帝騎從至即乞歸附請為先鋒六月

帝帥諸將渡江達牛渚帝先抵采石磯時元兵陣於磯上

舟距岸三丈許未能卒登常遇春飛舸至帝麾之應聲挺

戈躍而上守者披靡諸軍從之遂拔采石乘勝徑攻太平

拔之牛渚磯名在江南太平府城北牛渚山下渚有石曰磯采石磯在太平府城北采石山下去牛渚磯僅一

里假寐不脫衣冠而寐方山寨民兵元帥陳桮先與其將

康茂才水陸分道寇太平城下帝親督兵禦之命徐達等

以奇兵出其後設伏擒桮先帝釋不殺桮先詐曰生我何

為帝曰天下大亂豪傑並起勝則人附敗則附人爾既以

豪傑自負豈不知生爾之故桮先曰然則欲吾軍降乎此

常遇春挺戈躍采石

不殺陳桮先

易耳乃為書招其軍明日皆降桮先之為書也意其眾未

必從陽為招詞陰實激之不意其眾遽降自悔失計及聞

帝欲攻集慶私謂部曲曰汝等攻集慶毋力戰俟我得脫

還當與元兵合帝聞其謀召語之曰人各有心從元從我

不相強也縱之還諸軍進攻集慶桮先遂與元福壽合拒

戰於秦淮諸軍失利桮先來追經葛仙鄉鄉民兵百戶盧

德茂遣壯士五十人衣青出迎桮先不虞其圖已青衣兵

自後攢槊殺之集慶即江寧府部曲大將軍營五部部校尉一人部有曲曲有軍候一人秦淮在江

寧府上元縣治東南丙申年元至正十六年三月帝率諸將取集

慶路破陳兆先釋兆先而用之擇其降兵驍勇五百人置

智安降兵

克金陵

禮葬元將福壽

康茂才來歸

麾下五百人者多疑懼不自安太祖覺其意是夕令入宿衛環帝而寢悉屏舊人於外獨留馮國用一人侍臥榻傍帝解甲安寢達旦疑懼者始安國用率五百人攻金陵先登陷陣敗元兵於蔣山直抵城下諸軍拔柵競進克金陵元御史福壽死之帝入城諭曰賢人君子有能相從立功業者吾禮用之舊政有不便者吾為汝除之軍民私相慶幸帝嘉福壽忠禮葬之蘄州人康茂才初結義旅有功於元累遷宣慰使都元帥成采石及帝渡江奔金陵至是率眾來降帝欲取鎮江命徐達為大將率諸將浮江東下戒之曰吾自起兵未嘗妄殺今爾等當體吾心戒戢士卒城

克鎮江

奉帝為吳國公

聘秦從龍

下之日毋焚掠殺戮有犯令者處以軍法縱者罰無赦達等頓首受命進兵攻鎮江克之號令嚴肅城中晏然六月命鄧愈等攻廣德路克之改為廣興府七月諸將奉帝為吳國公洛陽人秦從龍仕元為校官會兵亂以老避居鎮江帝素聞其名命朱文正往聘之既至帝親迎入事無大小皆與謀從龍盡言無隱每筆書漆簡問答甚密左右無知之者帝呼為先生而不名九月帝如鎮江謁孔子廟分遣儒士告諭鄉邑勸農桑丁酉年元至正十七年四月克寧國元將朱亮祖楊仲英降亮祖六合人初為元義兵元帥帝克太平來降尋叛去數與明軍戰兵為所獲者六十餘人諸

執朱亮祖

將勿能當至是徐達常遇春等圍亮祖於寧國遇春被創而還帝督兵破之縛亮祖以見帝曰今如何對曰是非得已生則盡力死則死耳帝壯而釋之令從征尋遣諸將取徽池兩州遂克常州畧大湖取江陰張士誠累敗勢日窘又為元楊完者所破乃降于元十一月元楊完者來攻徽州胡大海鄧愈等擊走之遂攻婺源斬元將帖木兒不華元帥汪同降戊戌年元至正十八年二月李文忠取旌德太平等縣遂進攻嚴州克之以康茂才為營田使帝諭之曰比因兵亂隄防頽圯民廢耕耨故設營田使以修築隄防今軍務實殷用度為急理財之道莫先於農事故命爾此職大

以康茂才為營田使

立民兵萬戶府

抵設官為民非以病民若所至紛擾無益於民則非付任之意四月天完平章陳友諒陷江西龍興瑞州遣其黨趙普勝寇池州守將趙忠戰死六月張士誠兵寇常州湯和力戰敗之復寇常熟廖永安與戰于福山港大破之追至通州狼山獲其戰艦而還十一月立民兵萬戶府諭行中書省臣曰古寓兵於農有事則戰無事則畊暇則講武今兵爭之際當因時制宜所定郡縣民間武勇之材宜精加簡拔編緝為戶立民兵萬戶府領之俾農時則畊間則練習有事則用之事平有功者一體陞擢無功者還為民如此則民無坐食之弊國無不練之兵以戰則勝以守則固

庶幾寓兵於農之意也。簡撰也，圍音升進也，登也。十二月胡大海等攻

婺州久不下。帝命李善長徐達守金陵。自率常遇春等兵

十萬往征之。圍其城。拔之。改婺州路為寧越府。以和州人

取婺州開郡學

王宗顯知寧越府事。開郡學。時喪亂之餘。學校久廢。至是

始聞絃誦聲。己亥年。元至正十九年正月。胡大海李文忠取諸暨

州。張士誠將華元帥遁去。二月。張士誠兵寇江陰。艤艦蔽

江。守將吳良擊破之。擒其將士五百人。殺溺死者甚衆。時

賊屢侵常州。吳良及弟禎守禦有方。每寇至輒破走之。士

誠數敗。氣索。自是不敢犯境。帝召之入見。勞之曰。吳院判

保障一方。使吾無東顧憂。其功大矣。賜車馬珠玉。不足旌

命。諸儒臣為詩文美之。

艤艦狹而長。曰艤艦。以衝敵船。索懼也。又盡也。易震卦。索索。疏心不

附方國珍來

安之。方國珍以溫台慶元三郡來附。民有獻美女者。帝誅

之。絕其獻。七月。帝還金陵。遣兵取無為州。九月。常遇春攻

衢州。克之。十一月。胡大海耿再成進取處州。元守將石抹

罕孫戰死。元帥胡深來降。聘青田人劉基。浙人宋濂。葉琛

為天下屈四先生

章。盜至。帝曰。我為天下屈四先生。賜坐。基自幼聰明。絕人

凡。天文兵法性理諸書。過目洞識其要。元至正初。舉進士。

授高安縣丞。累官江浙儒學副提舉。時方國珍起兵劫掠

郡縣。基建議言。方氏首亂。宜捕而斬之。不用。安置紹興。遊

西湖。有異雲起西北。同遊者皆以為慶雲。將分韻賦詩。基

此天子氣獨縱飲不顧太言曰此天子氣也應在金陵十年後有王

者興我當輔之時杭州猶全盛皆大駭以為狂時無知基

者惟西蜀趙天澤奇之以為諸葛孔明之流有說基者曰

今天下擾擾以公才略下括蒼併金華吳越可折簡而定

因畫江守之此句踐之業也基曰吾生平忿方國珍張士

誠輩所為用子計與彼何殊耶且天命將有歸子姑待之

會帝下金華定括蒼基乃指乾象謂所親曰此天授非人

力也至是帝遣使聘基遂決計趨金陵陳時務十八策帝

嘉納之濂琛溢皆命官基留幃幄預機密謀議青田今處州府青田

縣高安今江西瑞州府高安縣西湖在浙江杭州府城西可折簡而定言其易也古者以竹簡為書庚子年

趙天澤識
劉起

花雲妻部氏

花雲侍兒孫氏

雷老

元至正二十年五月陳友諒攻陷太平知府許瑗死之守將花雲

被縛雲怒罵曰賊奴爾縛吾吾主必滅汝遂奮躍大呼起

縛盡絕奪守者刀連殺數人被賊碎首至死罵不絕口妻

部氏生子燁方三歲語家人曰城且破吾夫必死之吾不

獨生然不可使花氏無後兒在若等善撫育之部氏赴水

死侍兒孫氏抱兒逃漢軍掠之孫氏恐被害以簪珥屬漁

家鞠之漢敗孫氏脫身至漁家取兒去登舟渡江遇漢潰

軍奪舟梓孫子及兒投之江江中得斷木附之入蘆渚中

取蓮實啗兒凡七日夜有老父號雷老引見帝帝抱泣曰此將種也命賜雷老衣忽不見追之無所得

珥珠在耳又曰耳瑤梓音

卒持頭髮也陳友諒既陷太平弒徐壽輝遂自稱皇帝國號漢

金陵震動或欲降劉基曰敢言降者斬初康茂才與友諒

善令遺書誘之為內應速來友諒遂進兵伏兵擊之友諒

敗走遂復太平帝以其謀語李善長善長曰方憂寇來何

害益大今先破此賊則東寇膽落矣善長曰善友諒既至

伏發敗走殺溺死者無算生擒七千餘人八月拔江州及蕪黃等郡陳友

諒奔武昌壬寅年元至正二十二年金華苗帥蔣英劉震等作亂

殺參政胡大海又處州苗帥李祐之賀仁德聞蔣英等殺

胡大海亦作亂殺院判耿再成二郡煽亂李文忠即率兵

馳赴鎮撫之苗帥苗兵元帥也苗正字通苗人古三苗之

苗帥作亂殺胡大海耿再成

夷混雜通癸卯年元至正二十三年正月陳友諒據胡廣張士誠

據浙西劉基曰士誠守虜耳友諒居上流宜先伐之陳氏

滅張氏囊中物矣四月朱文正守南昌陳友諒大舉圍之

日久乏糧文正遣張子明潛達金陵告急于明還為漢兵

執使歸誘降子明許之及至城下呼曰諸公須堅守大軍

即至友諒怒殺之文正以圍急遣一兵號捨命王詣友諒

約日出降以緩其圍及期不降捨命王自殺而帝親帥師

至矣與友諒接戰于鄱陽湖帝被圍莫脫指揮韓成服帝

冠袍投水圍乃解又帝與友諒鏖戰劉基驚曰難星過速

更舟帝急更之舊舟已為敵砲碎友諒連舟縱戰望之如

張子明節義

〇

〇

周顛不死

山帝乘風縱火湖水盡赤友諒中流矢死其子理奔武昌。
鑿音與平聲畫有周顛者每見帝必曰告太平帝厭之又
 言不死命覆顛以篋積薪燬之火息啓視顛正坐晏如從
 帝征友諒舟至皖城若無風問顛顛曰只管行只管有風
 無膽不行便無風行不三十里果大風倏達小孤竟如其
 言帝怒其顛屢投之水不濡竟去不知所之甲申年元至正二
 年十四正月帝即吳王位陳理既還武昌帝復進兵圍之不
 下乃親往視師理遂出降城中飢困給粟賑之於是湖廣
 江西悉平江西行省以陳友諒鏤金牀進帝觀之曰此與
 孟昶七寶溺器何異即命毀之鏤音漏昶音唱溺音亮去聲溺與尿同小便也孟昶

鏤金牀

五代時蜀主宋太祖滅後蜀元至正二十五年乙巳年元至正二十五年徐達

常遇春等克淮安進攻泰州張士誠遣舟師薄淮安丙午

年元至正二十六年五月帝議討張士誠李善長以為未可徐達

進曰張氏驕橫暴殄奢侈此天亡之時也其所任驕將如

李伯昇曷珍之徒皆齷齪不足數王蔡葉三參軍迂闊書

生不知大計臣奉主上威德聲罪致討三吳可計日而定

帝大喜曰汝合吾意事必濟矣八月命徐達為大將軍常

遇春為副將軍帥師二十萬伐張士誠齷齪音樞錯急迫

伐張士誠諭將佐

蘇州府為東吳鎮江府為西吳集諸將佐諭之曰卿等宜戒飭

士卒毋肆虜掠毋妄殺戮毋發丘壟毋毀廬舍聞士誠母

法 李文忠軍

葬姑蘇城外。慎勿侵毀其墓。皆再拜受命。出帝復召達。遇春曰。爾等用師。孰先遇春。曰。逐梟者必覆其巢。去鼠者必熏其穴。此行當直擣平江。平江既破。其餘諸郡可不勞而下。帝曰。不然。士誠起鹽販。與張天驥潘原明輩。皆相為手足。士誠窮蹙。天驥輩懼。俱斃。必併力救之。今不先分其勢。而遽攻姑蘇。若天驥出湖州。原明出杭州。援兵四合。何以取勝。莫若先攻湖州。使其疲於奔命。羽翼既披。然後移兵姑蘇。取之必矣。十月。徐達師至湖州。士誠發兵來援。大敗之。而守將李伯昇及張天驥遂舉城降。朱文正師下杭州。守將潘原明出降。文忠入宿城上。秋毫無犯。一卒強入民

家磔以徇。徐達會諸將進圍平江。標音窄裂尸帝命劉基

卜地定作新宮。書古事蹟可法戒。及大學衍義于壁。丁未

年。元至正二十七年正月。遣指揮戴德率兵取沅州。二月。命免太

平府租賦二年。應天鎮江等處租賦一年。此以渡江開創

之地久困兵革也。六月。徐達等囚張士誠。送金陵。帝欲全

之士誠。自縊死。蘇杭等地悉平。九月。帝召諸將褒諭之。封

左相國李善長為宣國公。右相國徐達為信國公。平章常

遇春為鄂國公。其餘進爵賜金帛有差。先是承元制。禮義

猶尚右。至是命百官禮義俱尚左。十月。命徐達常遇春率

甲士二十五萬北伐。定中原。復命胡廷瑞為征南將軍。率

方國珍降

吉安寧國等軍南取八閩航海趨廣東平章楊璟率荆湘之衆以取廣西十一月命大史令劉基定律令劉基又及大史院屬高翼以所定戊申曆來上遂命領行之遣御史大夫湯和督諸軍討方國珍國珍之初降也約曰杭城下即納地來朝帝克杭州猶自據如故乃累假貢獻來覘虛實為叛服計又北通擴廓帖木兒南交陳有定圖為掎角至是命湯和帥師討國珍於慶元國珍遁入海島復命廖永忠自海道會和討之國珍惶懼遂及弟國珉等率所部來降和送國珍於金陵浙東悉平

掎角左傳襄十四年晉如捕鹿晉人角之諸戎掎之注掎其足觸云角之執其角也掎牽倒也平句繼其後曰掎絀其前曰角十二月胡定瑞等

兵度杉關略光澤縣下之邵武建陽亦降時湯和廖永忠等克方國珍帝命之自海道徑取福州和等自明州乘風進舟不數日至城下一鼓克之守將曲出道參政尹克仁宣政使朶耳麻不屈死僉院柏帖木耳殺妻女縱火自焚死

○戊申洪武元年正月群臣勸進奉帝即皇帝位定有天下之號曰明建元洪武追尊四代祖考妣皆為帝后置翰

林院設起居注二員以記言動

谷霖蒼曰明太祖起兵濠梁十餘年間終膺天物雖白神運蓋亦有人事焉方其火光燭空紅羅洋水雷兩成瑩伽藍卜吉論者嘖嘖莫不謂天之所授也然予以厚德弘仁實則命世之器非夫群雄草竊所能闡奸而覲觀者右有異者風雲之聚杖策來歸心膂爪牙篤生江介徐遠

湯和起於同里朱一文正李文忠與自戚屬李善長馮國用
近出定遠鄧愈胡大海即在虹縣常遇春懷遠之雄廖永
安巢湖之傑一時功臣人如碁布地皆錯壤豈高祖從龍
多由豐沛蕭王佐命半屬南陽天生真人固若類聚而扶
掖之者耶然而帷幄善謀汗馬著烈君
臣之間相需魚水豈盡地脈使然哉 ○立妃馬氏為皇

馬后高識

后帝初渡江時后嘗謂帝曰今豪傑並爭雖未知天命所
歸以妾觀之惟以不殺人為本人心所歸即天命所在帝
深然之至是冊立為皇后帝因謂侍臣曰昔光武勞馮異
曰倉卒蕪葦亭豆粥滹沱河麥飯厚意久不報朕念皇后
起布衣常倉卒自忍飢餓懷糗餌食朕比之豆粥麥飯其
困尤甚昔長孫皇后當隱太子構隙之際內能盡孝謹承
諸妃消釋嫌疑朕素為郭氏所疑徑情不恤將士或以服

良妻猶良
將

君臣相保
難

廷臣兼東
宮官

定衛所

用為獻后輒先獻郭氏慰悅其意及欲危朕后乃為寬解
卒免於患尤難於長孫皇后也朕或因服御詰怒小過輒
勸朕曰王忘昔日之貧賤邪朕為惕然家之良妻猶國之
良相豈忍忘之罷朝因以語后后曰妾聞夫婦相保易君
臣相保難妾安敢比長孫皇后但願陛下以堯舜為法耳

蕪葦音無閭滹沱音呼駝糗餌糗音丘上聲乾飯也餌音
耳稻米也長孫皇后唐太宗后后性仁孝儉素好讀書甚
有內助嘗著女則三十卷隱太子
太宗兄建成郭氏郭子興家也 ○立世子標為皇太子

令臺省等官兼東宮官贊輔之左丞相李善長御史中丞
章溢太史令劉基等兼太子官屬 ○二月定郊社宗廟禮
○定兵制自京師及郡縣皆立衛所大率以五千六百人

為一衛一千一百二十人為一所一百一十二人為百戶所每百戶所設總旗二名小旗十名官領鈐策通以指揮使等官領之有事征伐則詔總兵官佩將印領之既還則上所佩將印於朝官軍各回本衛大將軍身還第權皆出於朝廷鈐束鈐音掛車轄也鈐束猶管轄○湯和廖永忠等既下莆田等十三縣進攻延平先遣使招諭元福州平章陳有定不從遂進兵薄城有定乃訣諸將曰公等善為計吾為元死耳仰藥飲盡參政文珠海牙開門出降大兵入城有定復蘇械送京師入見帝詰之有定厲聲曰毋多談安得加我死乎遂併其子棄市胡廷瑞等進兵克興化元汀州路守將

開平

衣冠如唐

制

定役法

陳國珍納款於是泉漳潮郡縣相繼降附福建悉平○以大宰祀孔子仍遣使詣曲阜致祭○詔衣冠悉如唐制○命中書議役法省臣奏議田一頃出丁夫一人不及頃者以別田足之名曰均工夫遇有興作農隙用之一頃百畝為頃丁夫民年二十已上成丁蓋人壽以百歲為期一幹十年則當四十強壯之時故曰丁○帝出視園丘太子從行命遍閱農家曰農終歲勤苦服食不過如此故令爾知之無過取也○帝曰克敵在兵制兵在將故有精兵不如良將劉基曰任將在上將之勝又不若主之勝○浙州進竹簟帝曰是為用物未有命而來獻若受之恐天下聞風皆爭進奇巧傷民財自是始矣乃却之○二月以

廣東平

廖永忠為征南將軍朱亮祖副之由海道取兩廣又勅贛州衛指揮使陸仲亨由韶州擣德慶平章楊璟進兵永州三方進師為犄角之勢○三月廖永忠等率舟師航海直至廣州元左丞何真降潮州郡縣歸附○四月陸仲亨略定英德清遠連州肇慶等郡縣進攻德慶守將張鵬程棄城走廣東悉平○六月楊璟由永州進兵克靖江路廖永忠亦進次南寧元土浪屯田千戶宋真執其守將平章咬住等請降永忠悉收諸司印章廣西悉平○徐達等既克永城歸德許州取汴梁率諸將進至河南分兵取諸山寨皆下之遂拔潼關南陽諸郡相繼歸附○閏七月徐達等

廣西平

渡河取衛輝至彰德遂下磁州取趙州進克臨清獲元將李寶臣都事張處仁以為向導檄諸將大會於臨清率馬步舟師北發先取德州克長蘆守將左僉院遁分兵徇下青州至直沽獲其海舟七艘造浮橋以濟師常遇春等率舟師並河東西以進元丞相也速等捍禦海口望風奔潰元都大震師至通州元將五十八國公率敢死士萬餘出戰指揮郭英設伏兵大敗之擒其將卜顏帖木兒遂克通州元主聞報大懼召群臣會議元主徘徊嘆息曰今日豈可復作徽欽遂決計北徙左丞相失烈門知樞密院事黑厠等皆勸固守京城不聽命准王帖木兒不花監國慶童

為左丞相同留守夜半與后妃太子開建德門由居庸北走如上都臨清今山東東昌府臨清州通州屬直隸順天府徽欽宋徽宗皇帝欽宗皇帝皆執于金居庸

克元都

關名在順天府城北○八月徐達常遇春克元都達等進師至元都

攻齊化門將士填濠登城而入執其監國淮王及丞相慶

童平章迭兒左丞丁敬等戮之獲玉印二玉璽一封其府

徐達仁將

庫圖籍寶物及故宮殿以兵守之宮人妃主令其官寺護

持號令士卒毋得侵暴人民安堵市肆不移圖籍所圖書戶口輿地者

安堵堵垣也言安然如堵不驚動也肆古今注所以陳貨鬻之物也○命大將軍徐達副將

手捧上書

軍常遇春往取山西○漳州通判王禕上書言人君脩德

之要有二忠厚以為心寬大以為政昔者周家忠厚故垂

八百年之基漢室寬大故開四百年之業蓋上天以生物

為心春夏長養秋冬收藏其間雷電霜雪有時而薄擊肅

殺焉然皆暫而不常向使雷電霜雪無時不有上天生物

之心息矣臣願陛下之法天道也上嘉納之時尚嚴厲故

禕以為言○帝詰汴梁欲定都于此不果遂下詔以汴梁

為北京開封府金陵為南京應天府汴梁宋故都也○命學士詹

同等十人分道訪求賢哲○徐達遣孫興祖俞通源等帥

師進克永平府常遇春傅友德等略保定中山河間真定

俱下之○御史中丞劉基致仕先是上北巡命基同李善

長留守京師中書都事李彬犯法事覺彬素附善長善長

劉基致仕

長留守京師中書都事李彬犯法事覺彬素附善長善長

禁胡俗
建木本堂
孔希學襲
封

請基緩其獄。基不聽。馳奏上。竟殺彬。善長銜之上。還善長
愬之。會基有喪。告歸許之。○十月。詔改元燕京。為北平府。
置燕山等八衛。以都督孫興祖。華雲龍守之。○詔乘輿毋
飾金玉。有司曰。此小費。帝曰。小費不節。大用將至。○進元
主所製刻漏。帝曰。廢萬幾之務。用心於此。所謂作無益害
有益也。命碎之。○召劉基至京師。贈基祖父公爵。欲授基
爵。辭曰。陛下乃天授。臣何貪天之功。顯榮先人足矣。○十
一月。詔禁胡俗。悉復中國衣冠之舊。○建木本堂。命取古
今圖籍。充其中。○以孔希學襲封衍聖公。孔希大為曲阜
知縣。皆世襲。立孔顏孟三氏教授司。尼山洙泗二書院。命

博士孔克仁等授諸子經。功臣子弟亦令入學。○十二月。
元擴廓帖木兒守太原。元主命之率兵出雁門關。由保安
州。經居庸關。以攻北平。徐達聞之。率諸軍直抵太原。擣其
虛。擴廓既至保安州。聞之。還軍營于城西。其部將豁鼻馬
潛降。為內應。達乘夜劫其營。擴廓倉卒不知所出。亟納靴
未竟。跌一足。出乘驛馬遁去。遂克太原。太原今山西太原府倉卒急遽克靴
履也。驛音棧。馬不施鞍轡為驛。○馬翊曰。元有天下。寬以失之。帝曰。步急
則蹶。弦急則絕。民急則亂。居上之道。政當用寬。元季君臣
縱也。非寬也。○己酉。二年。正月。高麗王王顓遣使奉表朝
貢。○詔免山東山西北平河南等處田租。○副將軍常遇

高麗王朝
貢

修元史

春帥師取大同今山西○二月詔修元史令左丞相李善

長起居注宋濂漳州府通判王禕總裁徵山林遺逸之士

帝親耕藉田

汪克寬等十六人同纂修○帝親耕藉田於南郊既又命

皇后蠶於北郊以為祭祀衣服古者天子耕藉田千畝以

親自踰履於田而耕之天子三推三公五推卿大夫九推庶人受以終畝○大將軍徐達師次

河中府副將軍常遇春渡河至陝西○三月勅曰古人為

文以明道德通世務典謨之言明白易知至如諸葛孔明

出師表亦何嘗彫刻為文而誠意溢出生今誦之使人忠

義感激近世文士立辭雖艱深而意實淺近即使過於相

如楊雄何裨實用自今翰林為文無事浮藻彫刻彫畫文也刻鏤也揚

勅為文無事浮藻

子曰童子彫蟲篆刻壯夫不為也○大將軍徐達克河中府進至西安營

於長安城北元平章王武率官屬出降達遂遣馮宗異取

鳳翔元將李思齊奔臨洮長安城今陝西安西府長安縣臨洮今陝西臨洮府○四

月獻瑞麥一莖有五穗群臣賀帝曰朕為生民主惟思修

德致和使三光平寒暑時為國家之瑞不以物為瑞也○

獻麥瑞不以物為瑞

大將軍徐達至蕭關下平涼指揮朱明克延安以明守之

蕭關在陝西平涼府鎮原縣○六月元也速復侵通州上命常遇春自

鳳翔還禦之復命李文忠為偏將軍副遇春自北平道三

河往永平經鹿兒嶺敗元將江文清於錦州也速復以兵

迎戰又敗之也速遁遂帥兵進攻開平元主先已北走追

奔數百里。俘其宗王慶生等。斬之。薊北悉平。鳳翔陝西鳳

常遇春卒盛京錦州府開平即元卡都也。○七月。副將軍常遇春得病卒于軍。帝痛

悼不已。曰：平定之功。遇春十居八九。配享太廟。封其二子

為公。以長女為皇太子妃。配享配對也。亨祭也。尚書盤庚

爾祖其從與享之則功臣配享之禮由商人始也。○八月。大將軍徐達克慶陽。大

軍列營慶陽城下。守將張良臣數出戰。俱不利。糧餉乏絕。

至煮人汁和泥噉之。其平章姚暉納降。達勒兵入城。良臣

投井中。引出。斬之。陝西悉平。達帥諸軍還京師。○詔李文

忠代常遇春領其眾。應援慶陽。文忠至太原。會慶陽已平。

而元將脫列伯孔興等攻大同。甚急。乃由代出雁門關。九

陝西平

建功臣廟

月。次馬邑。元兵奄至。文忠與戰。敗之。擒其平章劉帖木兒。

進抵大同。脫列伯悉銳來攻。文忠奮擊。大敗之。擒脫列伯

降。其眾萬餘。進兵逐孔興。大同今中○建功臣廟於雞鳴

山。廟成。叙功。以徐達為首次。常遇春李文忠鄧愈湯和沐

英胡大海馮國用趙德勝耿再成華高下德興愈通海張

德勝吳良吳禎曹良臣康茂才吳腹茅成孫興祖。凡二十

一人。死者肖像祀之。雞鳴山在江○九月。詔以濠州為中

都。宮殿郊廟社稷文武公署。一如京師。○十月。詔天下郡

縣皆立學。○帝御朝。召宋濂等。列坐賜酒。帝賦詩。因命各

以詩進。○帝諭刑部尚書周禎曰：刑以輔治。唐虞不免舜

命臯陶始曰明刑終期無刑臯陶告舜亦曰與殺不辜寧失不經卿當體之○遣平章楊璟招諭夏主明昇先是徐達等平關陝蜀人震恐其臣戴壽曰大明天子遣將用兵所向無敵以擴廓李思齊強盛竟莫能禦况吾蜀乎倘一旦有警計將安出吳友仁曰蜀地非中原比設有緩急據險可守為今之計莫若外假交好以緩敵內修武事以自強昇從其言遣使修貢帝賜璽書答之至是遣楊璟諭奉國入覲昇尚幼牽于群議不決璟將還復以書曉之極言大小順逆利害之勢昇不能從○十二月元王保保圍蘭州指揮于光來援為元兵所獲逼之誘降光至城下大呼

謫危素

曰公等堅守太軍即至敵怒殺之守將張溫守益堅保保進攻不利且懼太軍至乃引兵去王保保即擴廓帖木兒也○庚戌三年正月帝命徐達等徃征沙漠沙漠北方流沙曰漠蒙古別名○二月帝行後苑見巢鵲翼哺曰禽鳥且爾耶令群臣親老者許歸養○四月以危素為翰林學士尋謫居和州素居弘文館一日帝御東閣聞履聲橐橐上問為誰對曰老臣危素上曰是爾邪朕將謂文天祥耳素惶懼頓首上曰素元朝老臣何不赴和州看守余闕廟去遂有此謫元都陷時元臣死者多學士危素寓僧寺亦將死寺僧止之曰公死國史也遂徃見徐達達以素歸帝雅聞素名仍命為學士余闕廟余闕元臣死節者帝嘉其忠立廟和州○徐達出安定駐沈兒峪口與王保保隔

徐達大敗
王保保

李文忠獲
元主孫

深溝而壘。達整衆出戰。大敗保保於川北亂塚間。擒元諸王國公及平章等官一千八百余人。將校士卒八萬四千五百餘人。獲馬萬五千二百餘匹。雜畜稱之。保保與其妻子數人從古城北遁去。奔和林。安定今陝西鞏昌府安定縣。音育畜音休去聲。和林國名。有唐回鶻毗伽可汗故城。蒙古以為會同之所。後復城之。周圍五里許。五月。李文忠帥師趨應昌。未至百餘里。獲元騎。問之。知四月二十八日元主已殂。文忠往攻其城。獲元主孫買的里八剌並后妃宮人諸王。宋代玉壘金寶。宣和殿玉圖書。玉冊。鎮國玉帶玉斧。及駝馬牛羊無算。惟太子愛猷識理達臘與數十騎遁去。文忠帥精騎追之。至北慶州。不及而還。捷聞。百官稱賀。

蓋元主曰
順帝
定科舉法
冊封諸王

帝命禮部榜示。又以庚申元主不戰而奔。克知順天命。蓋曰順帝。詔設科取士。定科舉法。詔定服色尚赤。冊封諸子為王。皆授以冊寶。置相傅官屬。六月。李文忠遣人送元買的里八剌等至京師。省臣楊憲請以買的里八剌獻俘於太廟。帝曰。古者雖有獻俘之禮。武王伐殷。曾用之乎。憲對曰。武王事殆不可知。唐太宗嘗行之。帝曰。太宗是待王世充若遇隋之子孫。恐不行此禮。元雖夷狄。入主中國者百年。朕之祖先亦嘗享其太平。雖古有獻俘之禮。不忍加之。乃賜買的里八剌第宅。封為崇禮侯。王世充隋末以王世充為太尉。世充尋自稱帝。統隋主侗。後降唐。太宗至長安。俾世充獻於太廟。十一月。封功

封功臣為
公侯伯

臣公侯伯者三十六人。徐達居首。賜宴曰。願卿等毋忘艱
難時也。因設壇祭已死功臣。且錄其後。○帝與儒臣議修
玉牒。欲祖朱文公。一日見有典史朱姓而徽人。問其為文
公後耶。其人對曰。非也。帝頓悟曰。彼一小吏尚不妄祖他
人。况我乎。遂却衆議。玉牒牒譜也。譜舊唐書經籍志。譜系
以紀世族。繼序。帝曾之譜名。為玉牒。
朱文公姓朱名熹字元晦徽州人。賜諡曰文。○辛亥四年正月。大舉伐夏。先是
帝遣使招諭夏主明昇。昇惑于群議不能從。反以兵侵興
元。於是命湯和廖永忠等率舟師。由瞿塘趨重慶。傅友德
等率步騎。由秦隴趨成都。興元今陝西漢中府重慶今四川重慶府○三月遣
使祭歷代帝王陵寢三十五。○四月帝以湯和傅友德等

祀帝王三
十五

宴享九奏
樂章

伐蜀。三月未得捷報。命朱亮祖帥師助之。○六月詹同陶
凱作宴享九奏樂章。○廖永忠至瞿塘關。蜀人設鉄索飛
橋橫阻關口。舟不得進。乃密募壯士。舁小舟踰山度關。以
出其上流。蜀人不之覺也。又分精銳水陸並進。永忠先破
其陸寨。既而將士舁舟出江者。俱發上流。揚旗鼓譟而過。
蜀人出不意大駭。而下流之師亦擁舟急擊。大破之。遂焚
其三橋。斷其橫江鉄索。擒斬甚多。永忠入夔州。明日湯和
兵亦至。乃分道並進。沿江州縣望風奔附。乘勝抵重慶。明
昇君臣大懼。奔成都。其母彭氏泣曰。事勢如此。縱往成都
不過延命旦夕。何益不如早降。以免生靈於鋒鏑。明昇遂

廖永忠高識

蜀地平

遣使詣永忠軍。全城納款。永忠以湯和軍未至，辭不受。後數日，湯和至重慶，會永忠以兵駐朝天門外。是日，明昇面縛，銜璧奉表詣軍門降。和受璧，永忠解縛，遣指揮萬德送明昇於京師。朱亮祖兵亦至，傅友德等既畧歸州、階州、文州、漢州，遂圍成都，克之。蜀地悉平，封明昇為歸義侯。已而投昇於高麗。面縛銜璧，縛手於後，惟見其面，以璧為贄，手縛故銜之。左傳：僖公六年，許男面縛銜璧。

○帝與陳寧論刑。寧曰：法重則民不輕犯。帝曰：不然。聞古以祥刑致治矣。未聞以商韓之法致堯舜之治也。寧大慚。祥刑，尚書呂刑：「告爾祥刑。」注：夫刑凶器也，而謂之祥者，刑期無刑，民協于中，其祥莫大焉。商韓，商鞅韓非子也，皆戰國時人也，以刑名法術御下者也。

○八月，暹羅國、渤泥國、三佛齊國各遣

三事未了

錢唐袒胸

使臣來朝貢。○壬子五年正月，帝謂諸將曰：今天下一家，尚有三事未了。一、歷代傳國璽，在元未獲。二、王保保未擒。三、元太子不聞音問。於是命徐達、馮勝、李文忠等三路出師，共兵四十萬，以征沙漠。後達等兵至沙漠，以糧運不繼而還。○帝讀孟子至草芥寇讎章，大不然之，欲去其配享。詔有諫者以不敬論。且命金吾射之。刑部尚書錢唐輿櫬入諫，袒胸受箭，曰：臣得為孟軻死死，有餘榮。帝見其誠懇，命太醫療其箭瘡。孟子配享得不廢。草芥寇讎，孟子曰：君見臣如草芥，臣見君如寇讎。輿，輿也。櫬，棺也。

癸丑六年正月，徵孔克表為翰林修撰。克表，家浙江溫州府平陽縣人，至正中，進士，博學篤行。孔子五十五代孫也。○帝問正字桂原良曰：法數行而數

江南大儒
惟卿一人

昭鑒祖訓
錄

更定大明
律

犯奈如對曰用德則逸用法則勞法以靖民則民勞而弗
 靖德以靖民則民靖於德矣帝曰卿帝者師也江南大儒
 惟卿一人對曰臣不敢當宋濂劉基帝曰濂文人基峻隘
 不如卿也○四月命採漢唐藩王善惡為書名昭鑒祖訓
 錄頒賜諸主○以胡惟庸為右丞相帝嘗與劉基論可為
 相者及胡惟庸基曰此小犢耳將償轅而破犁至是遂相
 基大感曰使吾言不驗蒼生之福也言而驗者其如蒼生
 何將償轅而破犁債僵也轅車前曲木○奪誠意伯劉基
 上鉤衡者犁墾田器鋤類駕牛用者胡惟庸與基隙誣相有王氣地欲圖為
 祿祖基請加重辟帝不聽惟奪其祿而已○十月更定大
 明律命刑部尚書劉惟謙○十一月故元雲南梁王把匝
 及宋濂等更定之也

元梁王殺
使臣王禕

遣買的里
八刺北還

劉基卒

刺元爾密殺使臣翰林侍制王禕行參政吳雲初帝以天
 下一統惟雲南為故元梁王所據恃遠弗臣於是遣王禕
 等持詔往招諭之禕至雲南諭以帝之威德天命所歸梁
 王君臣駭服已有降意會元太子自立於沙漠遣使謀連
 兵拒中原禕謂梁王曰汝朝殺我大兵夕至矣竟與吳雲
 俱被害○甲寅七年十月遣崇禮候買的里八刺北還臨
 行帝諭之曰朕不忍令爾久客於此故特遣還見爾父母
 以全骨肉之愛○十一月訪窮民無告及戰死軍士家屬
 給以衣食廬舍○乙卯八年四月誠意伯劉基卒時胡惟
 庸潛蓄姦謀深惡基乃遣醫視疾基飲其藥二劑有物積

腹中如卷石疾遂篤帝遣使送還家僅一月而卒基輔帝
平定中原籌畫為最每忠直敢言帝嘗以子房况之賜誥
云學為帝師才本王佐渡江業士無雙開國文臣第一

卷區中庸今夫山一卷石之多况之况譬也 ○故元王保保卒保保自定西之

敗走和林元嗣主復任以政後徙金山之北至是卒○十

一月甘露降於園立青松上有若明珠採嘗之甘於鉗群

臣咸頌德帝曰天道幽微難測若恃祥不戒祥不必吉○

丙辰九年諸將連年戰沙漠斬獲招降甚多益嚴邊防元

伯顏帖木兒請和帝命諸將悉還獨留穎州候傳友德屯

兵以備之四月伯顏帖木兒又犯邊友德設伏大破之○

甘露降

醉學士歌

葉居昇應詔上言

六月學士承旨宋濂侍宴帝強之三觴濂面赭行不成步

帝為賦醉學士歌以誌君臣同樂之雅○八月親王造宮

過麗帝戒曰不見茅茨卑宮堯禹以興阿房西苑秦隋以

亡乎○閏九月五星素度下詔求言山西平遙訓導葉居

昇上言其略曰太過者有三分封太多也用刑太繁也求

治太速也秦晉燕齊盡其地封諸王恐亦致尾大不掉尚

德緩刑而得民專事刑罰而失民國祚長短悉由於此恕

簿書錢穀而問俗失世壞則求治之道得矣書奏帝大怒

逮問繫死獄中後無敢言者○丁巳十年二月學士承旨

宋濂致仕○都督僉事濮真征高麗被執高麗王愛其驍

濮真抽刀
剖心

勇欲降之不從。王怒欲殺之。真曰：「大丈夫有赤心，肯汝屈邪？」即抽刀剖心示之而死。王大懼，遣使入朝謝罪。帝嘉其忠節，追封樂浪公。其子瑜在襁褓，即封為西梁公。○己未，十二年十二月，謫左丞相汪廣洋於海南。御史中丞涂節言：「劉基為胡惟庸毒死，廣洋宜知狀。」帝問廣洋，廣洋對無是事。上頗聞其實，因責廣洋欺罔，謫居海南。行次太平，帝復遣使責之。廣洋自經死。○庚申，十三年正月，左丞相胡惟庸謀逆，伏誅。惟庸誑言所居第井中湧醴泉，邀上往觀。因弑駕出西華門，內使雲奇知其謀，走衝蹕道，勒馬言狀。舌缺不能達意，上怒其不敬，左右搯捽亂下，奇右臂幾折。

胡惟庸謀
逆

宋濂卒
免天下今年
田租

尚指惟庸第弗為痛縮。上悟，登城眺察，見惟庸第內兵申伏屏帷間，即發兵掩捕，拷掠具狀，磔惟庸於市。御史大夫陳寧都督李玉等皆伏誅。上召雲奇死矣，深悼之，追封右少監。命有司春秋致祭。惟庸辭連李善長，群臣請罪之上。曰：「此吾初起時股肱心腹，吾不忍罪之。其勿問。」宋濂孫慎坐黨逆被刑，籍其家。械濂至京，上欲併誅之。皇后諫曰：「民間請一先生，尚有始終，不忘待師之禮。」宋濂親教太子諸王，豈宜若是。越况濂致仕在家，當不知情。帝意解，濂得發。茂州安置。行至夔州，以疾卒。○詔罷丞相官，陞六部官秩如古六卿之制。○詔免天下今年田租。○辛酉，十四年三

月編賦役黃冊

以一百一十戶為里推丁糧多者十人為

一里之事城中曰坊長近城曰廂長鄉都曰里長十年

帶管於一百一十戶之外而列於圖後名曰疇零冊成

本進戶部其布政司及府州縣各存一本十年撥造一次

○十月舉孝弟力田賢良方正文學之士○九月命傅友

德為征南將軍藍玉沐英為副將軍帥師征雲南元梁王

把匝刺瓦爾密遣司徒達里麻將精兵十餘萬屯曲靖以

拒明師沐英謂友德曰彼謂我師疲於深入未有虞心若

倍道疾趨出其不意破之必矣友德是之遂進師未至曲

靖數里忽大霧四塞衝霧而行阻水則已臨白石江在曲靖北矣頃之霧霽達里麻望見大驚倉皇失錯友德即欲濟

沐英白石江之捷

師英曰我軍遠來形勢既露固利速戰然亟濟恐為所扼

乃整師臨流執若欲渡達里麻悉精銳扼水英別遣數十

人從下流潛渡出其後鳴金鼓樹旗幟達里麻急撤眾禦

之陣動英乃拔劍督師濟江以猛而善囚者先之長刀蒙

盾破其前軍敵氣索退數里而陣明師畢濟友德麾兵進

薄之英縱鐵騎擣其中堅敵遂大敗生擒達里麻橫屍十

餘里軍聲大振遂平曲靖友德分遣藍玉沐英趨雲南梁

王聞達里麻敗棄城走挈妻子入雲南忽納岩驅妻子俱

赴滇池死元右丞觀音保出降諸父老焚香出迎王等整

眾入城秋毫無犯雲南悉平藍玉傳友德班師沐英留鎮

雲南平

孔子豈可
以職位論

馬后崩

○壬戌十五年四月。廉州府巡檢王德亨上言。取西戎水銀。院點廣平府。吏王允道上言。磁州多產鐵。請如元時。置鐵冶。都提舉司設冶戶萬五千。收之。帝曰。聞治世無遺賢。不聞無遺利也。命流允道海外。○國學成。帝將釋菜。議者曰。孔子雖聖人。臣也。禮宜一奠再拜。帝曰。聖如孔子。豈可以職位論哉。昔周太祖如孔子廟。將拜。左右曰。陪臣不可拜。周太祖曰。百世帝王之師。敢不拜乎。遂再拜。朕深嘉其不惑於左右之言。今朕宜特加尊崇。○八月。皇后馬氏崩。后性恭儉。既貴。服澣濯之衣。帝以威武治天下。后嘗濟之以寬仁。生太子及秦王。晉主燕主周主。至是病不肯服藥。

選僧分侍
諸王

奉白帽子
與大王戴

上強之后不可曰。死生有命。雖扁鵲何益。如服藥不瘳。墜下寧不以妾故而殺醫乎。妾不忍也。遂崩。年五十一。上痛悼。終身不復立后。扁鵲春秋時良醫也。姓秦名越。人與黃帝時扁鵲相類。故仍子扁鵲。又家於盧國。因名盧醫。○九月。詔選高僧分侍諸王。有僧道衍者。姓姚名廣。孝蘇州人。好讀書。工詩文。遇異人傳術。能預知人休咎。及善術數。道衍自請於燕王曰。殿下若能用臣。臣當奉白帽子與大王戴。至是燕王自求道衍於帝。許之。白帽子。白字。上蓋謂皇字也。○徵耆儒鮑恂等四人。至並命為學士。輔太子。固辭。尋放還。○癸亥十六年十月。刑部尚書開濟以罪。誅先是濟議法巧密。上曰。竭澤而漁。害及鯢鮪。焚林而田。禍

及麀穀巧密之法。百姓何堪。非朕所望也。濟強敏深文嘗

鬻獄借死囚脫代獄吏發之。捶獄吏死。至是下濟獄而死。

鯢鮪音昆而魚子也。鵜音廢冠鹿子鳥雞。○詔免應天太平鎮江寧國廣德

五郡稅。曰五郡為興王之地。其民助朕居多。○乙丑十八

年二月。太傅魏國公徐達卒。年五十四。帝痛悼不已。親為

文祭之。追封中山王。謚武寧。長子輝祖襲封魏國公。○帝

書洪範于座右。朝夕省覽。或曰善惡報多。爽帝曰。為惡或

免禍。然理無可為之惡。為善未必福。然理無不可為之善。

○丙寅十九年六月。詔天下行養老之政。凡耆民八十以

上。賜米酒帛絮。各有差。○戊辰二十一年三月。雲南平緬

徐達卒

書洪範于座右

行養老之政

戰象

蠻叛舉眾三十萬。戰象百餘。寇定遠。西平候沐英自將精

銳二萬往討之。賊悉眾驅百象來戰。象皆披甲背負戰樓。

若欄楯。懸竹筒于兩旁。置短槊其中。以備擊刺。陳既交。英

連發火箭。銃砲聲震山谷。象皆驚奔。賊有昔刺者亦驍勇

殊死戰。英督戰益急。三軍大呼而壓。不移時。賊眾大敗。斬

首三萬餘級。生獲四十七象。餘皆被矢如蝟。死渠帥刀斯

郎。理斃象背上。自是諸蠻服。平緬歲入貢賦。不復反矣。

平緬歲貢

欄楯王逸曰。縱曰欄。橫曰楯。今階除木句。欄是也。殊死。殊

絕也。謂決意必死也。蝟。秦法斬敵一首。得一級。故因謂

首為級。大也。○四月。征虜大將軍藍玉。副將軍郭英等

北征。自大寧進慶州。直搗元營。其大尉蠻子拒戰。俘眾五

元裔日微

解縉上封事

萬餘人。元主脫古思帖木兒帥數十騎追去。玉追之不及。獲其王子及後宮后妃衆四萬餘人。乃旋師。元主遂為部下所弒。其部屬皆奔散。元裔日微。玉等還京獻俘。帝大喜。進封藍玉涼國公。○吉水人解縉。七歲能文。遂以弱冠登第。帝親選為庶吉士。特被寵眷。因上封事。凡萬餘言。其略曰。陛下進人不擇賢否。授職不量輕重。誠信有間。用刑太繁。每多自悔之時。有無及之歎。律以人倫為重。乃有給配夫婦之條。恐傷節義之禮。太常非俗樂。可肆官妓。非人道所為。可以禁絕。釋老之壯者。宜出之。使復人倫。經咒之妄者。悉火之。以杜俗惑。陛下天資清高。而學問不充。善端間

賜李善長死

求仙人張三丰

發而心學無素。上嘉其識。擢為監察御史。時都御史袁泰恣橫。無敢言之者。縉歷詆其奸狀。帝慮為衆所傾。遣歸諭。曰。後十年來朝。大用爾。未晚也。○庚午二十三年四月。賜韓國公李善長死。先是善長坐他累削祿。既又有以胡惟庸黨言者。帝亦未之究也。至之會有星變。其占為大臣當災。時帝大殺京民之怨逆者。善長請免其親戚數人。上大怒。遂賜死。○詔求仙人張三丰。不得。其徒丘玄清拜太常卿。三丰不知何處人。洪武初入武當山修煉。寒暑一衲。人有問仙術。竟不一答。問經書。則津津不絕。口一啖數斗。辟穀數月。自若也。隆冬臥雪中如常。武當山在湖廣襄陽府均州。音納補衲。

衣也。陔音淡。辟音壁除也。 ○壬申二十五年四月。皇太子薨。諡曰懿文。

方正學

○徵方孝孺至。帝曰：壯士也。吾不能用。留為子孫光輔。為漢中府教授。蜀獻王聞孝孺賢。命世子受學。名其讀書之

藍玉謀逆

廬曰正學。○癸酉二十六年正月。涼國公藍玉謀逆。伏誅。玉以常遇春妻弟。從征累功。至大將軍。素不學。性復狼愎。恃功暴橫。初。胡惟庸之畔。有稱玉與謀者。帝以其功大。宥不問。至是。意望進。爵帝命加太傅。玉攘袂曰：我不當為太師耶。及奏事。帝不從。玉懼。退曰：上疑我矣。遂謀反。密召其部曲謀議。集士卒及家奴。伏甲將為變。約束已定。為錦衣衛指揮蔣瓛所告。捕訊伏誅。列候已下。連坐論死者二萬。

人。狼愎。晉書。王敦。狼抗。注。如豺狼。抗。扞。愎。戾也。攘袂。攘卻。退。曰。攘。揜。袂。出臂。曰。攘。揜。引也。 ○八月。詔

褒浦江鄭氏。鄭氏十世同居。長幼至千餘人。數以事入觀。

帝識之。後被人妄訐。其家與權臣通財。時嚴通財黨。與之

誅。犯者不問。實與不實。必死。其宗長鄭濂。與從弟湜。兩人

爭先就吏。上憐之。曰：我知鄭門無是事。人誣之耳。擢湜福

建布政司參政。帝問濂治家所以。長久之道。對曰：守家法

不聽婦人言而已。帝深嘉之。遂下詔。褒異之。識音至。湜音殖。 ○甲

江伯兒愚

戊二十七年九月。青州日照民江伯兒。以母病。割脇肉食

之。不愈。禱於岱岳祠。誓云：母病愈。則殺子。以祀。既而母病愈。竟殺其二歲子。祭之。有司以聞。上怒。曰：父子天倫。至重。

賜傳友德死

賜馮勝死

皇明祖訓

今賊殺其子絕滅倫理亟捕治之勿使傷壞風化遂逮伯兒杖一百謫戍海南岳岳東岳泰山○賜穎國公傳友德死友德

身冒百死自偏裨至大將每戰必先士卒以故所至立功

二十五年友德請懷遠田千畝帝不悅曰祿賜不薄矣復

侵民利何居爾不聞公儀休事耶及是竟賜死未幾定遠

候王弼亦賜死公儀休史記公儀休相魯使食祿者不得與民爭利○乙亥二十八

年二月賜宋國公馮勝死勝數以細故失帝意遂賜死○

六月詔禁黥刺跽割之刑刺音戚刺面也跽音廢刑足也剗音異截鼻也閹割

也宮刑○九月皇明祖訓成帝自為之序曰朕觀自古國家

建法立制皆在始受命之君蓋其創業之初備嘗艱苦閱

久既多歷事亦熟比之生長深宮之主未諳世故及僻處

山林之士自矜已長者甚相遠矣朕與群雄並驅慮患防

微近二十載乃能統一海宇人之情偽亦頗知之故以所

見所行開導後人著祖訓一篇立為家法首尾六年凡七

騰稿至今方定豈非難哉蓋俗儒多是古非今奸吏常舞

文弄法凡我子孫欽承朕命毋作聰明亂我已成之法○

丙子二十九年二月燕王棣帥師巡邊敗元兵於徹徹兒

山又追敗之於元良哈禿城而還○戊寅三十一年閏五

月帝崩在位三十一年改元者一曰洪武壽七十一帝神

武明達料敵如神不吝官賞諸將奉命立功十五年之間

遂能成帝業禮樂制度事物防範靡不備具矣皇太孫即位是為建文皇帝

建文皇帝名允炆懿文太子之子太祖孫也初懿文太子薨立為皇太子

孫至是即位初太祖建都金陵去邊塞六七千里北虜時出沒

塞下捕殺吏卒以故命北邊諸王得專制國中提兵防禦

地大權重多不法帝為皇太孫問所以制之于黃子澄子

澄對以漢平七國事頗合帝意兵部尚書齊泰議論雅同

子澄至是帝命二人與參國事任以削奪事〇七月召方

孝孺為翰林院侍講〇逮周王橚至京師廢為庶人戶部

侍郎卓敬密奏裁抑宗藩不報既而燕周齊湘代岷諸王

以方孝孺為侍講

程濟先見

頗相煽動有流言聞於朝帝患之齊泰謂黃子澄曰燕握

重兵且素有大志當先削之子澄曰不然燕預備久卒難

圖宜先取周剪燕手足乃命李景隆率兵至河南執周王

送京削爵為庶人遷之雲南燕王見周王被執且齊泰黃

子澄用事遂簡壯士為護衛異人術士多就之〇十月癸

惑守心四川岳池教諭程濟通術數上書言北方兵起期

在明年朝議以濟妄言召入將殺之濟曰陛下幸囚臣至

期無兵殺臣未晚也乃囚濟於獄癸惑守心癸惑南方火

疾喪饑兵居其宿曰守為明〇巳卯建文元年二月立子

文奎為皇太子〇燕王來朝入覲行皇道入登陛不拜監

曾鳳韶劾燕王不敬

燕王舉兵

察御史曾鳳韶劾王不敬。帝曰：至親勿問。○四月，遣使執湘王柏。王曰：身高皇帝子，南面為王，豈能辱僕隸乎？求生活乎？遂闔宮自焚死。又詔齊王榑至京，廢為庶人。拘繫之。幽代王桂於大同，廢為庶人。○七月，燕王舉兵。先是，帝遣侍郎暴昭等充採訪使，分巡天下。昭至北平，得燕不法狀，密以聞。已而燕山護衛百戶倪諒告變，下詔讓燕王。逮燕邸僚屬都指揮使謝貴、北平布政使張昺等，部署軍士布列九門守之。燕王密與僧道衍計，令張玉、朱能潛納勇士八百人守衛。紹貴、昺入執殺之。張玉等率勇士奪九門。燕府長史葛誠、護衛指揮盧振皆與昺、貴謀誅燕王。至是

毋使朕有殺叔父名

並遇害。夷其族。燕王乃舉兵以誅齊。泰黃子澄清、君側效周公輔成王故事為名。兵稱靖難。去建文年號，仍稱洪武三十二年。自署官屬。令張玉、朱能等出師，尋陷薊州。奪居庸關。通州遵化、永平、密雲等諸守將皆以城降。詔削燕王屬籍。以長興侯耿炳文為大將軍討之。師號百萬。數道並進。期直搗北平。帝誠諸將士曰：昔蕭繹舉兵入京，而令其下曰：六門之內，自極兵威，不祥之極。今爾將士與燕王對壘，務體此意。毋使朕有殺叔父名。
蕭繹南北朝梁武帝弟，初封湘東王，都江陵。候景弑簡文帝，綱立豫章王棟，棟歡之子。歡武帝太子統之子也。未幾，景復廢棟，自立。繹乃遣王僧辯討景。僧辯啓繹曰：平賊之後，嗣君棟何以為禮？繹曰：六門之內，自極兵威，蓋謂殺棟也。景敗，沉棟於水。繹乃即位於江陵，是為

元帝在位三年西魏兵入江陵繹被殺六門自晉以來建康外城惟設竹籬而有六門○八月耿炳文率兵十三萬與燕王戰於滹沱河敗績副將軍李堅等皆被執喪師三萬退保真定帝聞怒黃子澄薦李景隆遂遣景隆代炳文景隆馳至德州收集炳文將卒并調諸路兵五十萬進營河間燕王聞之曰李九江豎子耳寡謀而驕未嘗習兵輒予以五十萬是自阬之也然吾在此彼不敢至今出援永平以致其師是一舉解永平圍而破景隆也遂援永平官軍吳高棄輜重走景隆知燕兵出引軍圍北平燕世子高熾堅守不戰時燕王乘勝抵城下城中之兵鼓譟而出內外夾攻景隆軍敗績奔德州○十月燕王

燕王誘執寧王

誘執寧王奪其衆寧王名權國太寧為巨鎮兵皆驍勇善戰燕兵起朝廷慮寧王與燕合召寧王至京師寧王不至坐削護衛燕王聞之喜帥師兼程趨太寧襲破其西門駐師城外單騎入城詭言窮蹙求救執寧王手大慟求代草表謝罪而陰令東士結部長及諸部卒及辭去寧王祖之郊外伏兵擁寧王行燕王遂奪其兵軍威大張○李景隆聞燕兵攻太寧進師攻北平燕王兵至擊之景隆敗走還德州黃子澄等匿不以聞遂遣人密語景隆隱其敗勿奏○燕王復上書自理以誅齊泰黃子澄傳檄天下○十二月罷齊泰黃子澄以燕王疏二人罪也二人名雖罷退實

李景隆白
溝河之敗

籌畫治兵如故。○庚辰二年四月。李景隆駐德州。及郭英、吳傑等合軍六十萬。次於白溝河。燕王率兵十餘萬。馳入陣。都督瞿能父子奮擊所向披靡。燕王即麾諸軍突入。先以七騎馳擊之。官軍飛矢如注射。王馬凡三被創。三易之。馬卻阻於隄。幾為瞿能所及。燕王急走登隄。佯麾鞭若招。後繼者景隆疑有伏。不敢上隄。燕王得免。復率眾入陣。瞿能父子躍而前。大呼滅燕。斬其騎百餘人。越雋候俞通淵等復引眾奮躍赴之。會旋風起。折大將旛。官軍相視而動。燕王乃以勁騎馳擊。瞿能父子及俞通淵等諸將俱死。大軍敗績。景隆單騎走德州。（變音遂大將旗也。以全羽繫旌上。取全而速之義。）○五

麾鞭招後

王省死節

月。李景隆奔濟南。燕兵入德州。哨騎至濟陽。執教諭王省。既而釋之。省還陞明倫堂。集諸生曰。此堂名明倫。今日君臣之義何在。遂大哭。以頭觸柱而死。○燕王帥師圍濟南。參政鐵鉉等擊却之。遂復德州。鐵鉉偕都督盛庸誓以死守。燕王乃堰水灌城。城中人大懼。鉉詐令軍民出降。伏勇士開門。候燕王入。用板下之。傷王馬首。王驚易馬逸去。大怒。以礮擊城。將破。鉉書高皇帝神牌懸城上。燕兵不敢擊。鉉每出其不意。擊破之。燕王遂解圍還北平。鉉等乘勝復德州。兵勢大振。帝即軍中擢鉉為兵部尚書。贊理大將軍。事封盛庸為歷城侯。（先是召李景隆還。以左都督盛庸為大將軍。）○十二月。燕

王率兵至汶上。掠濟寧。盛庸鐵鉉躡其後。營於東昌。燕王以精騎衝入中堅。庸軍圍燕王數重。斬其驍將張玉。其將朱能率蕃騎來翼燕王。出庸軍乘勝斬獲無算。燕兵大敗。是役也。燕王數危。諸將奉帝詔母使朕有殺叔父名之詔也。莫敢加。及至是。奔北。燕王獨以一騎殿。後追者數百人不敢迫擊。燕王遂還北平。○辛巳。三年正月。帝以東昌捷告太廟。復齊泰。黃子澄官如故。○三月。燕王率衆南出保定。盛庸營夾河。燕王來覘。掠陣過。庸遣騎追之。斬其將譚淵。燕軍大挫。明日復戰。庸大敗。走還德州。○四月。燕兵次于大名。帝聞庸軍敗。大懼。詔竄齊泰。黃子澄於外。燕王聞之。乃上書請

罷盛庸。吳傑平安。兵帝詢方孝孺。遣使赦燕罪。令罷兵歸藩。燕王不奉詔。未幾。諸將分兵斷燕餉道。燕王患之。復上書。伸前請。帝將許之。孝孺曰。兵罷不可復聚。願母為所惑。帝乃下。其使於獄。以絕燕。○十二月。燕王大舉南犯。燕王起兵。三年所陷城邑。兵去復為官軍守。故不敢決意南下。時帝御中官甚嚴。皆怨望。遂密告燕。以京師空虛可取。狀燕主慨然曰。頻年用兵。何時已乎。當臨江一決。不復返顧矣。遂大出兵。○壬午。四年正月。燕兵陷東阿。吏自鄭華死之。尋克沛縣。知縣顏伯瑋主簿唐子清等死之。○二月。平安及燕兵遇于淝河。戰不利。退屯宿州。○四月。總兵何福

都督平安師屯靈壁。燕兵攻破之。福遁去。安被執。燕主帥騎兵戰福麾步兵而前。平安帥後軍來援奮擊破之。遂斬燕將陳文。平安轉戰遇燕主於北坂。王急幾為安所及。燕蕃騎指揮王騏躍馬入陣。援燕主得脫。明日復戰軍敗。安被執。見燕王。王曰：「淝河之戰，公馬不蹶，何以遇我？」安大言曰：「刺殿下如拉朽耳。」王大息曰：「高皇帝好養壯士，釋之遣還北平。自是官軍益衰。」燕兵乘勢下泗州。盱眙遂陷。楊州。○六月，燕兵漸逼京師，震動。方孝孺曰：「事急矣，莫若割地求和，以俟四方勤王之師。」乃遣使說燕王。王不從。群臣勸帝幸浙。惟孝孺力主守京城。燕兵至城，李景隆等開門。

太祖遺篋

迎降帝欲自殺。翰林編修程濟曰：「不如出亡。」少監王鈺進曰：「昔高帝升遐時有遺篋，曰：『臨大難當發。』俄昇紅篋至，急命舉火焚大內。皇后馬氏赴火死。程濟啓篋得度牒三張，并披剃之具。即為帝祝髮。吳王教授楊應能監察御史葉希賢亦祝髮。各披牒從帝出亡。二十二人。帝至鬼門，而一舟艤岸為道士王昇見。帝叩頭稱萬歲。曰：「臣固知陛下之來也。」疇昔高皇帝見夢令臣至此耳。乃乘舟。帝曰：「今後但以師弟稱，不必拘主臣禮也。」遂取道溧陽去。帝在位四年。改元者一曰建文。祝髮斷截其髮曰祝。疇昔擅弓疇昔之。入西內。燕王即位是為成祖文皇帝。

成祖文皇帝名棣太祖第四子。初封燕王舉兵陷京城。建文出亡遂自立為帝。○六月削魏國公徐輝祖爵輝祖當燕師渡江猶引兵力戰京師陷諸武臣咸迎附勸進輝祖獨不屈削爵幽私第。○殺故博士方孝孺及建文帝遜去。即召用孝孺不屈繫之獄。上欲草即位詔乃召出獄孝孺斬衰入見悲慟徹殿階上曰我法周公輔成王耳孝孺曰成王安在上曰伊自焚火孝孺曰何不立成王之子。上曰國賴長君孝孺曰何不立成王之弟。上降榻勞曰此朕家事耳先生母過勞苦左右授筆札上曰詔天下非先生不可孝孺大批數字擲筆於地且哭且罵曰死即死耳詔不

方孝孺死節

鐵鉉死節

可草上怒令以刀抉其口至兩耳復錮之獄大收其朋友門生殺之九族以下坐死者八百餘人每誅一人必令孝孺視之而後出孝孺磔之聚寶門外九族高祖至玄孫之親五服異姓之親亦在其。○殺故兵部尚書鐵鉉鉉被執至京陛見背立廷中正言不屈令一顧不可得割其耳鼻竟不肯顧熱其肉納鉉口中令啖之問曰甘否鉉厲聲曰忠臣孝子肉有何不甘遂寸磔之至死猶喃喃罵不絕。○八月殺故左僉都御史景清初清知帝出亡也猶思興復詭自歸附恒伏利劍於衣襟中一日帝出御門清奮躍而進將犯駕被執清植立嫚罵抉其齒且抉且罵含血直噴御袍乃命剝其皮草

景清

積之械繫長安門帝駕過門所械皮趨前數步為犯駕狀上命燒之已而上寢夢清仗劍追繞御座覺曰清猶為厲

耶命赤其族籍其鄉轉相投染謂之瓜蔓鈔村里為墟音

齊泰黃子澄

巽噴也覺音教為墟為去聲○齊泰黃子澄亦至上親詰音

王叔英

之抗辯不屈遂磔於市坐黨死者百餘人○翰林修撰王

暴昭

叔英書絕命詞曰生既久矣愧無補于當時死亦徒然庶無慚于後世與其妻俱縊○尚書暴昭斷其手足罵不絕

練子寧

口死之○尚書陳迪割其子鼻令食之迪死不變○右副都御史練子寧被縛語不遜命斷其舌上曰欲效周公輔成王耳子寧手探舌血大書地上成王安在四字遂磔之

姚善黃鉞

宗族棄市者百五十餘人○蘓州知府姚善被執至闕厲聲不屈殺之其友給事中黃鉞聞而赴水死○九月大封靖難功臣為侯伯者二十九人餘將士論功有差○命解

解縉變節

縉直文淵閣初縉與周是修約赴難後縉變節是修死縉為作傳因語其子曰使吾亦死誰為汝父作傳識者笑之

順天府北京

○建文帝附舟至京口過六合陸行至襄陽至是住鎮音南府今○癸未永樂元年二月改北平為順天府置北京

○徙寧王於南昌初寧王被誘入關也帝約以事成中分

天下及即位留之京師時大寧殘廢已無可歸乃乞改南土請蘓州及錢塘皆不許封之南昌已而有誣告寧王平

寧王韜晦
得無患

蠱狀者寧王聞自韜晦構精虛一區讀書鼓琴其中終帝

之世得無患巫蠱綱目實實女能事無形以舞降神曰巫

執左道以亂政惑人曰蠱師古曰指体即藥

毒害人是若行符厭俗之術精虛精舍也

前漢儒林傳精舍暫建注精舍講讀之舍

○甲申二年四月立長子高熾為皇太子封高煦為漢王高煦常從戰有功帝喜以為類已高煦亦以此自負謀奪嫡上議建儲武

長嫡承統
萬世正法

臣咸言高煦宜立惟文臣金忠以為不可上密詔解縉縉

言立嫡以長復問黃淮亦曰長嫡承統萬世正法上意遂

決○擢道行為太子少師尋命道衍賑濟蘇湖往見其姊

姊拒之曰貴人何用至貧家為不納道衍乃易僧服往姊

道衍姊

堅不出家人勸之姊不得已出立堂中道衍即連下拜姊

曰我安用爾許多拜曾見做和尚不了底是個好人遂還

戶內不復見道衍已復姓姚名廣孝終不蓄髮娶妻居止

寺觀○丙戌四年十二月新城候張輔西平候沐晟等大

破安南兵初建文中其臣黎季犛弑國王陣日焜及其二

子顯案篡其位既而傳之於子蒼自稱太上皇朝廷不知

也帝初踐祚蒼遣使奉表朝貢詭言安南王陳氏絕嗣臣

為衆所推乞賜封爵帝從其請明年前國王孫陳天平來

奔懇其實請復雙乃遣使詰責蒼卑辭謝罪請迎天平歸

國帝信之遣黃中呂毅等以兵納天平於安南蒼伏兵劫

殺天平帝大怒七月命張輔等討之安南有東西二都依

以畫獅破象軍

宣洮沱富良四江為固。新築城於多邦隘。連亘九百里。輔軍次富良江。遣將破賊於喜林江。遂進攻多邦城。夜四鼓。令軍士人持炬火銅角。越重濠。雲梯傳其城。士卒蟻附。而上角鳴。萬炬齊舉。遂入城。賊驅象迎戰。輔以畫獅蒙馬。衝之翼。以神機火器。象皆反走。賊大潰。遂克東都。別將李彬克西都。三江州縣皆望風降。

銅角。銅銅鑼也。正字通。築銅為之。形如盆。角通禮義。纂曰。蚩尤與黃帝戰。帝命吹角。作龍鳴。以禦之。按角長五尺。以皮為之。或以竹木。其形如竹筒。本細而末大。雲梯。事始云。公輸般造雲梯。以攻宋城。可以凌空立之。畫獅。獅爾雅。狻猊。食虎豹。注。狻猊。獅子也。以虎正黃。有髯。形尾。端茸毛。大如斗。正字通。獅怒。則威在齒。喜。則威在尾。每吼。百獸辟易。宋宗毅討林邑。王范陽邁。傾國來戰。以具裝被象。前後無際。殼以為外國。有獅子。威服百獸。乃製其形。與象相禦。象果驚奔。因此潰亂。遂克林邑。

○丁亥五年。

安南平

置交趾布政司

成祖感於佛教

五月。張輔等克安南。禽黎季犛及子蒼。檻送京師。餘眾悉降。安南平。得府十五。州四十一。縣二百八十八。戶三百十二萬。封張輔等七人為公侯伯。餘賞賜有差。乃置交趾布政司。以尚書黃福領之。○命西僧哈立麻設法薦皇考妃。而天花甘露白鶴。空中備現。妙相帝信之。自是潛心釋教。○己丑。七年。二月。帝幸北京。留皇太子監國。○給事中郭驥使鞏。鞏為所殺。先是鞏。鞏知院阿魯台殺可汗鬼力赤。迎立元族本雅失里。為可汗。帝以書諭之不聽。至是復遣驥。本雅失里殺之。可汗音。搠。猶漢曰天子。○庚寅八年。二月。帝自將眾五十萬出塞。○三月。工部尚書嚴震使安南。密訪建文帝。忽

嚴震死節

獻駒虞

黃淮如立高岡

與帝遇於雲南道中相對而泣帝曰何以處我對曰上從便臣自有處夜縊於驛亭中帝結庵於白龍山尋復他去

○五月車駕至臚胸河本雅失里西奔阿魯台東奔帝追及幹難河本雅失里拒戰大敗以七騎遁帝遂移師征阿魯台亦大敗遠遁帝乃班師十月還南京○癸巳十一年

五月山東曹縣獻駒虞說文白虎黑文尾長於身足不履生草食自死之肉故為仁獸○

韃靼太師阿魯台遣使來納款且請得部署女真吐蕃諸部上以問左右多請許之黃淮獨不可曰此屬狼子野心分則易制合則難圖矣上顧左右曰黃淮如立高岡無遠不見諸人處平地所見惟目前耳乃不許阿魯台之請封

親征瓦剌

為和寧王賜金帛

狼子野心左傳狼子野心非是莫喪羊舌氏矣文選北狄野心注野心謂如野

○甲午十二年二月帝親征瓦剌三月車駕發北京

皇太孫從上謂侍臣曰朕長孫聰明英睿智勇過人今肅清沙漠使躬歷行陣見將士勞苦征伐不易又謂胡廣楊榮等曰每日營中間暇爾等即以經史於長孫前講說文事武備不可偏廢○六月帝次蘭忽失温馬哈木以衆三萬來戰柳升以神機砲斃其騎數百帝率鐵騎乘之馬哈木遂大潰走追至土刺河生擒其將數十人馬哈木乘夜北遁帝乃還北京○八月上北征還太子遣使迎車駕緩且書奏失辭上怒曰此輔導之咎也漢王高煦復譖之遂

榜葛刺國

獻麒麟

纂修五經

四書

逮尚書蹇義學士黃淮諭德楊士奇洗馬楊溥芮喜正字

金問等下獄既而特宥義及士奇復職○榜葛刺國獻麒

麟刺音粹西天有五印度國榜葛刺者東印度也○十二月命儒臣纂修五經四

書性理大全○乙未十三年二月解縉死于獄縉以論事

忤旨謫交趾聞帝北幸潛返見皇太子帝怒其擅歸故殺

○罷海運帝初建北京河海兼運海運險遠多失亡而河

運則由江淮達武陽陸輓百七十里入衛河民苦其勞九

年命工部尚書宋禮浚會通河故元運道由濟寧

達臨清今年開浚既成民免陸輓之勞糧運便利於是罷

漢王高煦徙居樂安

海運○丁酉十五年三月漢王高煦有罪徙居樂安先是

妖婦唐賽兒為亂

高煦封漢王國雲南曰何罪斥我萬里及改青州曰何為

置我瘠土留居京師造兵器陰養死士招納亡命僭用天

子車服帝大怒召至詰之繫之西華門內將誅之皇太子

涕泣力救乃徙封樂安促即日行帝顧謂皇太子曰樂安

去京甚近如其作禍可朝發而夕擒之樂安青州樂安縣○庚子

十八年二月蒲臺妖婦唐賽兒以幻術聚眾據益都卸石

柵為亂攻下莒即墨圍安邱山東大震詔安遠候柳升總

兵往勦升意輕賊賊乞降信之夜為所襲都指揮劉忠中

流矢死比明升始覺賽兒已遁別賊攻安邱益急都指揮

衛青方屯海上聞之帥千騎晝夜馳抵城下大敗之斬馘

六千餘人。鰲山指揮王真亦殲賊於諸城。賊遂平而賽兒卒不獲。

幻術也。前漢張騫傳。擊野眩人。注。眩讀與幻同。即今吞刀吐火植瓜植樹屠人截馬之類。皆是也。御司夜切。勒畧取也。截耳也。詩大雅攸截。安注。軍法獲而不。服則獻其左耳。圖畫殺之也。

○十一月皇太子赴北京。過鄒縣。入民舍。見其衣皆百結。釜釜傾

毀。歎曰。民隱不上聞。若此乎。會山東布政使石執中來迎。

讓之對曰。凡被災之處。皆已奏請。賜今年秋糧。太子曰。民

飢且死。尚及徵稅耶。速取勘。飢民口數。悉發官粟賑之。太

子至。即奏之。帝曰。昔范中淹之子。猶能舉麥舟。濟父之故

舊况。百姓吾赤子乎。俗○辛丑十九年正月。元旦。帝御

奉天殿。受朝賀。大赦北京。經營既成。定都於此。改京師為

親征阿魯

南京。以北京為京師。○壬寅二十年三月。帝親征阿魯台。

初。阿魯台為瓦剌所敗。窮蹙南竄。帝納而封之。數年生聚

繁富。浸桀驁。拘留朝使。出沒塞下。為寇。至是大舉入興和。

殺守將王瑛。帝遂決意親征。駕至雞鳴山。阿魯台聞之夜

遁。遂擊兀良哈。敗之。乃還京師。○十一月。阿魯台絀其主

本雅失里。自稱可汗。○癸卯二十一年二月。建文帝入楚

游漢陽。程濟從。○五月。常山中護衛指揮孟賢。官黃嚴

等。連結貴近。謀進毒於上。從中下詔。廢太子而立趙王高

燧。布置已定。中護衛總旗王瑜上變。帝立捕賢等。鞫之。得

實。帝顧趙王曰。汝為之耶。趙王未對。太子解之曰。此下人

阿魯台自稱可汗。建文帝入楚。

所為高燧必不與知乃得免賢等皆伏誅○七月帝復親征阿魯台至上莊堡韃靼王子也先土于率眾來降帝喜曰遠人來歸宜以旌異之乃封為忠勇王賜姓名金忠遂班師還京師○甲辰二十二年正月阿魯台寇大同○四月帝親征次答蘭納木兒河彌望荒塵野草阿魯台遁走已久前鋒陳懋金忠引兵抵白邱山下咸無所遇以糧盡還七月師次蒼崖帝不豫庚寅次榆柳川帝大漸召張輔遺命傳位皇太子而崩帝在位二十二年改元者一曰水樂壽六十五皇太子即位是為仁宗昭皇帝大漸病甚也周書顧命病漸大

賜銀圖書

仁宗昭皇帝名高熾成祖長子也○八月成祖訃至禮部尚書呂震請從漢制以日易月帝不可自是臨朝素服退則衰經漢文帝後七年夏六月帝崩遺詔短喪凡三十六日而祔服以日易月○釋戶部尚書夏原吉大學士黃淮等於獄復其官夏原吉先諫成祖北征成祖怒下獄○賜義等銀圖書各一其文曰繩愆糾謬諭之曰今朕嗣位之初賴卿等協心贊輔凡政有關失羣臣及卿等言之而朕未從悉用此印密疏以聞銀圖書陸文量曰古人於書今人遂以其印呼為圖書繩愆糾謬直也糾正也周書罔命曰繩愆糾謬格其非心俾克紹先烈○十一月赦建文奸黨族屬並放還家給還田產○乙巳洪熙元年三月帝聞前光祿寺丞權謹孝行曰忠孝之人可任

忠孝之人可任輔導

續一八八

輔導遂召為文華殿大學士○大理少卿弋謙敢言呂震
劾其賣直乃貶楊子奇曰進言者將以言為戒矣自是月
餘果無一言帝曰士奇真大臣也乃下詔自責因復謙官
○四月山東飢帝召楊士奇令草詔免稅士奇請聞戶部
帝曰救民之窮當如救焚拯溺不可遲疑使聞戶部慮國
用不足必持不決之議左右言地方千餘里其間未必盡
荒宜有分別庶不濫恩帝曰恤民寧過厚為天下主乃與
民寸寸計較邪○帝明於星象忽夜見星變召楊士奇等
語曰天命盡矣乃歎息而起明日復召蹇義及士奇語曰
朕監國二十年為讒慝所構心之艱危吾三人共之朕去

恤民寧過厚

世後孰知卿等之雅言已泣然義士奇亦流涕帝遂出二
敕一印一賜義文曰忠貞一賜士奇曰貞一皆拜受而退
○五月帝崩在位一年改元曰洪熙壽四十八皇太子即
位是為宣宗章皇帝
宣宗章皇帝名瞻基仁宗太子成祖立為皇太孫仁宗立
為皇太子往留南京監國至是即位○丙午宣德元年八
月漢王高煦反初高煦徙國樂安益怨望日夜造軍器籍
丁壯為兵至是遂反立五軍都督府授王瑛朱恒大師尚
書等官約山東都指揮靳榮為助期先取濟南然後犯闕
復遣枚青約英國公張輔為內應輔執青聞於朝高煦遣

漢王高煦反

使奏索多誅。諸臣以夏原吉為罪首。帝急召諸大臣議。楊榮首勸帝親征。帝難之。原吉曰：兵貴神速。宜卷甲韜戈，以往一鼓而平之。若命將出師，恐不濟。帝意遂決。即發京師，募食兼行。駐蹕樂安城北，賜書諭高煦。又以勅繫矢射城中。諭黨逆者以禍福。城中人多欲執獻高煦者。高煦狼狽無據，請降。願假今夕訣妻子。帝許之。高煦夜焚兵器及通逆文書。昧爽出見，乃械高煦父子及倡謀者數人赴京師。群臣請移師執趙王，誣以連謀之罪。則朝廷永安矣。楊子奇獨不可，曰：誣以連謀，何能服人？且文廟三子惟趙王在，聽群議而剪木枝，竊為陛下不取也。乃言者喋喋，士奇請

封群臣言章，遣使齎以示之。使自處趙王大喜，曰：吾生矣。即自削其護衛以謝。日三十里也。兼行行六十里也。昧爽書疏，昧是晦冥爽是未明謂夜向晨也。械桎也。械在足曰桎。在手曰梏。本枝詩大雅本枝百世注本宗子也。枝庶子也。狼狽無措者謂之狼狽而行。○九月，帝至京師，廢高煦為庶人，鎖繫大內，道遙城。一日上往視之，高煦伸一足鉤上，仆地。帝大怒，亟命力士舁銅缸覆之，重三百斤。高煦有力，頂負缸起，乃積炭缸上，然炭逾時火熾，銅鎔高煦死。○丁未，二年十一月，罷交趾布政司，冊封安南陳主三世孫暲為安南國王。○帝語講官曰：伯夷太公皆歸文王，及武王伐紂，一輔之一諫之，何講官窮于對帝？曰：伯夷之心在

薛瑄事道學

萬世太公之心在當時也。○以薛瑄為監察御史。瑄初長于詩賦。及見周程張朱之書。曰：此道學正脉也。遂焚其所作詩賦。而專事道學。至是拜御史。三楊楊士奇、楊榮、楊溥稱嘆不已。曰：薛公見瑄。曰：某忝糾劾之任。義無相識。三楊稱嘆不已。曰：薛公見且不得。况得屈乎。○庚戌五年正月。少保戶部尚書夏原吉卒。原吉天性寬平。人無識與不識。皆稱為長者。嘗一隸汙所服。織金賜衣。懼欲逃。原吉曰：可浣。無懼。嘗與同列飲於他所。夜歸。值雪。過禁門。有欲不下馬者。原吉曰：君子不以冥冥情行。其寬仁敬慎類如此。○蘇州等大郡煩劇難治。特選况鐘為知府。假便宜行事。赴任視事。初若木訥。胥

夏原吉雅量

况鐘治蘇

有弊。盡輒默識之。通判趙忱肆謾侮。亦不校。及期月。一旦宣勅召府中胥悉前。大聲言：某日某人某弊。群胥駭服不敢辨。立殺六人。由是肅然。蘇人稱之曰：况青天。○辛亥六年七月。帝夜從四騎至楊士奇宅。士奇叩頭曰：陛下何自輕萬一變起。倉卒奈何。明日問士奇何不謝。對曰：車駕夜出。臣恐漏之。故不敢謝。後有盜謀不軌。欲乘帝夜行發。帝嘆曰：士奇言不虛。遂止夜行。遣使賜士奇金綺。○壬子七年六月。詔修各州縣廣濟倉。洪武間郡縣皆置四倉以貯官穀。令富民守之。遇水旱饑饉。以貸貧民。至是復修之。○癸丑八年三月。少保黃淮致仕歸國。帝宴于太液池。製詩

送之。○十一月。令諸縣各設濟農倉。明年江南大旱。諸郡發濟農米以賑貸。民不知饑。○甲寅九年十二月。有僧自陳修寺祝延聖壽。詔斥之。帝曰。人情莫不欲壽。古之人君。若商中宗高宗祖甲周文王享國最久。其時豈有僧道神仙之說。秦皇漢武求神仙。梁武宋徽崇僧道。效驗可見。世人不悟。可歎也。○乙卯十年正月。帝崩。在位十年。改元者一。曰宣德。壽二十七。時皇太子方九歲。群臣欲擇長君。楊士奇楊榮入臨畢。請見太子。即呼萬歲。而群議乃息。於是太子即位。是為英宗睿皇帝。

英宗睿皇帝名祁鎮。宣宗長子。宣宗遺詔國家重事。白張

太后行。左右有請垂簾聽政者。太后不可。召入英國公張輔。大學士楊士奇。楊榮。楊溥。尚書胡濙。太后顧帝曰。此人先朝所遺。皇帝者。有政必與之計。非五人贊成。不可行也。帝受命。有頃。宣太監王振。振狡黠多智。事仁宗於東宮。夕侍左右。及即位。命為司禮監。寵任之。振至。俯伏。太后曰。汝侍皇帝起居。多不律。今當賜汝死。帝跪為之請。諸大臣皆跪。太后曰。皇帝年少。豈知此輩禍人家國。我聽皇帝暨諸大臣。貸振此後。不可令于國事也。○丙辰。正統元年二月。應天府尹鄭瑩初為陝西按察副使。有聲。嘗以俸易一紅襖。寄歸父。父曰。此子不才。若斯。乃以不義汚我也。遂封還。貽書責之。瑩泣。

建文帝至京師

受其教繼為府尹益勵其操。庚申五年三月建文帝至京師。建文帝好文章能為詩歌。至是出亡。蓋三十九年矣。會有同寓僧者竊帝詩詣思恩知州岑瑛。瑛曰吾建文皇帝也。瑛大駭。因繫僧及建文帝。飛章以聞。詔械入京師。程濟從命。御史廷鞫之。僧稱年九十且死。思葬祖父陵旁耳。御史言建文帝生洪武十年。距正統五年當六十四歲。何得九十歲。廉其狀。僧實楊應祥。鈞州白沙里人。奏上。僧論死下獄。建文帝白其實。御史密以聞。閹官吳亮老矣。逮事建文帝。乃令探之。建文帝見亮。輒曰汝非吳亮邪。亮曰非也。建文帝曰吾昔御便殿。汝尚食。食子鵝。棄斤肉於地。汝

吳亮忠義

手執壺據地狗銜之。乃云非是邪。亮伏地哭。建文帝左趾有黑子。摩視之。持其踵復哭。不能仰視。退而自經。於是迎建文帝入西內。程濟聞之曰今日方終臣職矣。往雲南焚庵散其徒。建文帝既入宮。號曰老佛。以壽終。葬西山。不封。不樹。楊應祥下獄閱四月死。同謀僧十一人皆戍遼東。自後巴蜀間相傳有帝為僧時往來跡。至京途中吟云。流落江湖四十秋。歸來不覺雪盈頭。乾坤有限家何在。江漢無情水自流。長樂宮中雲影暗。昭陽殿裏雨聲愁。新蒲細柳年年綠。野老吞聲哭未休。不封不樹家語。王肅注云。不聚土以起墳。不樹松柏也。不封不樹以為至卑無飭也。周禮庶人不封不樹。 ○詔贈建文死難諸臣爵各祀于鄉。○七月少

楊榮卒

師大學士楊榮卒。先是王振語楊士奇曰朝廷事賴三位。楊士奇。楊榮。楊溥。老先生然既高年倦勤。後當何如。士奇曰老臣

四人竟是吾輩人

張太后人謂女中堯舜

當盡瘁報國死而後已楊榮曰先生安得為此言吾輩老無能效シ力當以人事君耳振喜越日即薦曹萬苗衷陳循高穀次第擢用士奇因尤榮榮曰彼厭吾輩吾輩縱自立彼容能已乎一旦內中出片紙命某某入閣則吾輩束手矣今四人竟是吾輩人何傷也士奇是其言○辛酉六年八月楊士奇薦薛瑄可大用乃召為大理少卿令詣王振謝瑄曰安有受爵公朝拜恩私門耶振不悅欲處以死賴群臣救免○壬戌七年十月太皇太后張氏崩太后性明敏人謂女中堯舜委用三楊政歸臺閣數年天下休息皆太后之力也○癸亥八年四月雷震奉天殿詔求真言侍

薛瑄在獄讀易

王振老僕

講劉球上言十事振怒下獄以計殺球球知不免大呼曰死訴太祖太宗自是莫敢言振振遂擅政權生殺與奪盡在其手舉朝皆以翁父稱之廷臣皆行跪禮○薛瑄為人辨寬王振素銜瑄嗾御史劾瑄受賄下獄論死瑄怡然曰辨寬獲罪死何愧焉在獄讀易以自娛子淳等請代死不許振老僕泣於纍下振問之曰薛小卿不免是以泣曰何以知之曰鄉人也因述其平生振少解會侍郎王偉申救之得免死除名放歸田里○八月祭酒李時勉守正不阿王振矯旨枷國學門諸生數千許闕乃釋○甲子九年三月楊士奇卒少師兵部尚書兼大學士楊士奇卒○丙寅十一年三

楊溥卒

月王振怒河南山西巡撫于謙言官誣之罷為大理少
 卿二省民赴闕許之乃復命巡撫○七月少師禮部尚書
 兼大學士楊溥卒○戊辰十三年七月福建沙縣民鄧茂
 七反稱閩王烏合至數十萬雲南等民叛天下一時騷動
 ○己巳十四年二月瓦剌也先遣使二千人進馬報作三
 千王振怒其詐斬一人自是失好大舉入寇○六月北京
 謹身奉天華蓋三殿災紹興山移於平地又地動白毛遍
 生陝西二處山崩山移有聲三日不絕移三里南京宮殿
 火是夜大雨殿基生荆棘高二尺○七月瓦剌也先寇大
 同所至無不陷沒邊報日至王振勸帝親征官軍五十萬

樊忠挫死
王振

虜擁帝去

○人出居庸關至宣府群臣請留王振終不聞車駕至大同
 振尚欲北郭敬密止之始班師也先襲軍後多失我良次
 ○日至土木未哺鄭瑄請車駕疾驅入關振怒曰腐儒安知
 兵事遂駐土木旁無水泉又當敵衝掘井深二丈不得水
 人馬饑渴也先遣使請和帝許之虜佯退振遽令移營回
 旋間行列已亂虜大呼四面蹂躪入全軍大敗時護衛將
 軍樊忠從帝旁挫死王振曰為天下誅此賊遂突圍殺數
 十人死之張輔鄭瑄曹鶴而下數百人皆死帝乃下馬南
 面而坐有一虜將加害其兄來曰此非凡人擁帝去塞刊
 王馳見也先曰部下獲一人甚異得非大明天子乎也先

召使中國二人問是否二人見大驚曰是也也先喜曰我常告天求大元一統天下今果有此勝問衆何以為計一人大言曰天以仇賜我不如殺之伯顏帖木兒大怒曰安用此人在旁摧其面去因謂也先曰我等久受大明皇帝恩賞那顏若遣使告中國迎返天子豈不萬世美名乎也先然其言以帝送伯顏帖木兒營令護之報至京師大震皇太后遣使詣虜贖駕弗許乃集百官議立郕王祁鈺時群臣殺王振黨指揮馬順頃刻薙粉郕王懼欲退還宮兵部侍郎于謙直前止之請詔族王振家以安人心詔下群臣哭謝國事始寧

那顏猶漢言大人也薙粉與齋粉同凡醢醬所和細切為齋粉謂碎之也

景皇帝名祁鈺宣宗第二子英宗弟也初封郕王英宗北狩皇太子幼冲皇太后命王即位遙尊英宗為上皇○九月也先擁上皇至大同城索金幣約還駕都督郭登郭子興子不納衆或勸之曰虜紹我也上皇隨侍袁彬以頭觸門大呼于是不得已括城中公私金銀共萬餘兩贖駕虜獲金咲擁而去直入紫荆關逼京畿城中洶洶人無固志太監金英興安召廷臣決計侍講徐理言曆數當南遷英叱之于謙抗言京師天下根本一動則大勢盡去宋南渡可鑒也金英宣言曰敢言遷者帝命必誅之固守之議乃決虜師圍京師謙躬擐甲率先士卒以示必死泣以忠義諭三

金英興安卓見

于謙以忠義諭三軍

軍人人感奮勇氣百倍武清伯石亨等奮戰相當虜知有備少沮而王師四至我軍大振也先北遁○十一月京師解嚴群臣議留邊將守京兵科給侍中葉盛曰今日之事邊關為急往者獨石馬營不棄六師何以陷土木紫荆白羊不破虜騎何自薄都城苟邊關不固雖保九門無益也悉遣還解嚴整兵曰戒嚴罷兵曰解嚴○庚午景泰元年六月也先數入寇邊將力戰皆却之至是先氣沮遣使議還上皇群臣許之帝不悅干謙曰大位已定但迎還以弭邊患耳乃遣右都御史楊善迎上皇善等至也先營平章昂克曰有何禮物來迎善曰送還天子圖垂名萬世豈利財物乎也先

手滋救荒

然其言張宴餞上皇羅拜而別命其部將率騎五百護送至京千戶遂榮請帝避位帝怒下榮獄上皇先遣人言于帝曰登極非我願矣帝乃迎拜上皇答拜各述授受意帝送上皇至南城宮群臣就見而退大赦天下也謂羅列而拜○辛未二年正月淮徐大饑死者相枕藉巡撫王竑不待奏報大發倉儲賑之飼粥給米被鬻者贖歸其家病者與藥死者給棺窮晝夜竭精慮皆出於至誠其用米一百六十餘萬石全活數百萬人人述其行事為救荒錄世傳焉帝得竑奏大喜曰好御史竑官右倉都御史不然饑死我赤子矣○度僧道五萬餘于謙上言今四方多流徙之民

好御史

有脚城

廢上皇太子為沂王

三邊缺戰守之士度僧太多恐乖本末帝不省帝頗事聲色奢侈以金銀豆擲地令宮人爭拾笑樂○壬申三年正月兵部侍郎李賢論備邊以車制為首號曰有脚城其制長丈五高六尺外蒙以鉄内藏其上下開小窓下開銃眼得車千數周圍相比砲不得入箭不得傷敵至則發砲箭去則移做軒轅破蚩尤陣法以練兵其法如井田制大軍以逐之○五月廢上皇太子見深為沂王而立帝子見濟明八陣圖做此

為皇太子先是帝欲易儲語大監金英曰七月初七日東宮生日帝子見濟生日也英若不解其意對曰東宮生辰是十一月初二日上皇太子見深生日帝默然至是帝意既定恐大臣不從密啖以金陳循王文等遂以太子為可易議乃定○癸酉

治河決

揚集上書于謙

四年十月右僉都御史徐有貞治河決一置水門一開支河一濬運河五百餘日而功成自是山東河患少息有貞初名

五月儀制郎中章倫御史鍾向並奏宜復立沂王為皇太子帝大怒下錦衣獄進士揚集上書于謙曰公等國家柱石乃戀官僚之賞不思所以善後乎二人死杖下而公坐享崇高如清議何謙以示大學士王文文曰書生不知朝廷法度然有膽當進一級處之乃以集為六安州知州進士選知州始此柱石前漢霍光傳將軍為國柱石崇高易保辟傳崇高莫大乎富貴○給事中吳江密言于帝曰群臣多望上皇復位沂王還宮願陞

下預為之所須高增南城數尺以鐵鎔錮其門帝怒謫戍

鉄嶺衛為之所左傳隱公元年不如早為之所注得其所宜也鎔鑄也錮鑄塞也徐曰鑄銅鐵以塞隙也

○十月也先為阿刺所殺先是也先弒脫脫不花併其部

落自立稱田盛可汗阿刺求為太師不許且殺其二子阿

刺怒率眾攻也先殺之未幾韃靼部字來復殺阿刺求脫

脫不花子麻兒立之號小王子自是韃靼勢復熾○丙子

遣太監視于謙疾

七年五月少保于謙以疾在告帝遣太監興安等視之安

等見謙自奉儉以聞上為計所資用給之駕幸萬歲山伐

竹為溼和藥丸賜謙言官有言謙柄用過重者興安言謙

日夜與國家分憂不要錢不受官爵不問家計朝廷正要

用此等人可尋一個來換于謙眾皆默然○丁丑八年正

月帝不豫時儲位未定廷臣請立太子武清侯石亨知帝

必不起乃與副都御史徐有貞內使曹吉祥等謀迎上皇

復位夜半遂薄南城毀門而入掖上皇登輿出時群臣方

早朝會議儲事忽聞呼譟至殿相顧失色須臾有貞出號

於眾曰太上皇帝復位矣趣入賀群臣遂賀廢帝仍為邸

主遷之西內未幾而薨葬祭如親王謚曰戾成化十一年改謚為景皇帝修節陵寢

英宗睿皇帝為太上皇七年至是復位改元天順大赦天

下○論迎復功進封石亨為忠國公以徐有貞為兵部尚

書入內閣典機務餘賞賜有差○下于謙王文等獄誣以

以意欲二字成獄

殺于謙

謀立外藩法司勘奏無跡可按石亨曰彼意欲有如此矣
 法司蕭維楨等阿亨輩乃以意欲二字成獄及廷鞫王文
 力辯謙惟默然但曰亨等意已如此辯之何益帝以謙有
 功未忍加刑徐有貞曰不殺于謙今日之事無名遂殺謙
 等而籍其家凡亨等有隙者無不入其羅織羅織羅網無辜織成罪狀
 ○三月復立沂王見深為皇太子○十一月初太后聞殺
 于謙力言謙功帝已悔之至是籍兵部尚書陳汝言家貨
 貝無算帝嘆曰于謙久官向籍其家無他蓄今汝言乃爾
 帝益悟謙冤而惡石曹矣貨貝見海介蟲也古者貨貝而寶龜周而有泉至秦廢貝行錢
 ○戊寅二年正月釋建庶人文圭文圭建文帝少子也成

石亨伏誅

祖幽之大內時方二歲至是年五十六帝欲寬之李賢曰
 陛下此心太祖在天之靈實臨之左右或以為不可上曰
 有天命者任為之遂出居鳳陽聽其婚娶交遊未幾卒建
 文無後○庚辰四年正月石亨謀反伏誅亨恃功漸恣橫
 納重賄不次遷擢中外將帥多出其門勢焰燿灼天下寒
 心而亨恬不知戒日燕見參預政事所請或不從即艱然
 見於辭色帝不能堪以語李賢賢曰惟獨斷乃可人君之
 權不可下移矣帝以為然亨見帝稍疎斥懷怨望嘗往來
 大同知其可據預命從子彪督其軍為外援以謀不軌其
 家人上變告亨謀反逮治之死獄中彪棄市由亨得官者

大明一統志成

悉黜免帝念亨奪門迎駕之功李賢曰陛下復位寔天與人歸如景帝不諱群臣誰不願請門何必奪且內府之門何可奪而奪之一字亦何可訓也然幸陛下洪福事得濟耳萬一景帝左右先知之享輩固不足惜不知置陛下何地乎帝曰然（寒心）謂戰慄（燕見）私燕而見也不諱人死曰不諱○辛巳五年大明一統志成○七月太監曹吉祥及其養子欽謀廢立事覺伏誅石亨既誅吉祥不自安漸蓄異謀欽慮其洩筮百戶曹福來殆死為御史所劾按之欽大懼遂與吉祥謀欲擁兵入幽帝于南宮而立皇太子吉祥居中應之謀已定其夕集腹心飲都指揮禿亮恐事敗逸出上變帝即收吉祥

鼓妖

勅諸門勿啓欽率衆至長安門門閉知事泄遂縱火攻之時懷寧伯孫鏜西征亭來師未發急召其軍擊之工部尚書趙榮被甲躍馬大呼曰能殺賊者從我從者數百人鏜之長安門逐賊賊衆披靡欽奔歸家鏜督兵奮呼而入欽投井死遂屠其家盡誅之帝出吉祥磔於市諸從逆者皆伏誅○壬午六年五月都督僉事顏彪破兩廣徭自元年春大藤峽徭為亂兩廣苗獠起廣西殘燬殆遍前年帝命彪討之彪會兩廣兵攻破七百餘寨駐軍大藤峽進擊龍山直抵潯梧所向皆捷（徭南夷別種曰徭）○癸未七年二月罕中若有聲李賢曰無形有聲謂之鼓妖此上不恤民所致

三楊一李

也。因條陳十事以進。帝從其半。半未從者。賢爭之數四。然帝深知賢終不以為忤。賢在內閣輔政。知無不言。帝能用之時。稱內閣事功。三楊一李。洪範傳曰。君嚴猛而閉。發於聲音。故有鼓妖。漢孝哀帝建平二年。有大聲如鐘鳴殿中。李尋曰。此洪範所謂鼓妖者也。人君不聰。為眾所惑。空名得進。則有聲無形。不知所從來。寔退丞相以應天變。○八月。下指揮僉事袁彬獄。尋釋之時。都指揮門達有寵。權傾中外。忌李賢及彬。謀排去之。乃使邏卒。披彬陰私數十事。上之。逮彬下獄。有彩漆軍匠楊暄者。憤然上疏。陳達不法二十餘事。擊登聞鼓。以進論救甚力。帝令達勘問。達逼暄供稱。李賢主使。欲併陷之。暄佯應曰。可。但我言於此。無人証見。不若請廷鞫。我對

登聞鼓

遺詔止殉葬

眾言之。李閣老始不能辭矣。達以為然。以聞。會法司廷鞫。暄大聲曰。死則死耳。何敢枉入此門。指揮逼我也。達失色。計沮。彬遂得從。輕調南京。暄亦得免。登聞鼓。古者朝有誹謗之木。敢諫之鼓。所以通治道。而來諫者也。宋朝曰。鼓司。景德四年。詔改為登聞鼓院。掌諸上封。而進之以達萬人之情。○甲申。八年正月。帝不豫。命大監牛玉執筆。口占使書之一曰。東宮即位百日。成婚。二曰。定后妃名分。三曰。勿以嬪御殉葬。四曰。殯斂器服從舊。命玉持付閣臣潤色。李賢與學士陳文彭時捧讀。警愴歎曰。止殉葬一事。尤為盛德。是月帝崩。初即位十四年。北征還居南宮。七年。又在位八年。壽三十八。皇太子即位。是為憲宗純皇帝。口占。占隱度也。隱度。其辭。口以授人曰。口占。占。

為盛德按宮人殉葬太祖以來皆然英宗遺命止之故李賢等嘆稱尤為盛德

續十八史略讀本卷之二終

